



93029

表文箋正卷十四

錢唐袁枚著

祭吳桓王廟文

館後學石韞玉箋

余年十七讀吳桓王傳心感慕焉後十年宰江寧過

銅井廟有美少年像披王者冕旒英氣奕奕野人曰

是桓王也余歛歔拜謁奠少牢為民祈福而使祝讀

文曰惟王值天地之睢刺為孤露之童牙初亡姑蔑

之旗便射徒林之兕稽康絕交論少加孤露母兒見驕崔駰達旨

收金棺遽掩有功帝室未享侯封王收斟灌之遺兵

表文箋正 卷十四

零星一旅就渭陽之舅氏涕淚千行吳志孫堅傳前到魯

行破虜將軍領豫州刺史 孫堅傳注堅入洛陽除漢宗廟祠以太牢堅軍城

南甄官井上旦有五色氣舉軍驚怪莫有敢汲堅令人入井探得漢傳國璽

水經注佛涅盤後天人以新白緋裹佛香花供養盛以金棺 左傳哀元年

昔有過澆殺斟灌以伐斟鄩滅夏后相 左傳哀元年少康有田一成有衆一旅

能布其德而兆其謀以收夏衆 吳志孫策傳堅薨還葬曲阿策舅吳景

為丹陽太守策乃載母徙曲阿與曰範孫何俱就景因緣召募得數百人志

在復讐身先下士神亭擲戟立竿知太史之心金鼓

開城解甲拜子魚之坐鳴角以招部曲戎衣而習春

秋吳志太史慈傳慈獨與二騎卒遇策慈便前關策刺慈馬而擊得慈項上



德名望遠近所歸策年幼稚宜修子弟之禮便向欲拜策傳則有公

注時有高位隱于餘姚策聞其善左傳乃自玩讀欲與論講

瑾同年捨道南之宅喬公淑女聯吉偶之歡自覺風

流私夸二壻有誰旗鼓敢鬪三軍江有霧以皆清陣

無堅而不破待豪傑如一體用降兵若故人逐奉佛

之竿融功高明帝誅妖言之于吉識過茂陵吳志周瑜傳瑜字公

瑾初孫堅與義兵徙家于舒堅子策與瑜同年獨相友善瑜推道南大宅以

舍策升堂拜母有無通共周瑜傳策欲攻荊州以瑜為中護軍從攻皖拔

之時得橋公兩女皆國色也策自納大喬瑜納小喬策傳注下邳相竿融依

融為盟主策攻之為流矢所中輿還營或告融曰孫郎被箭已死策因往到融

營下今左右大呼曰孫郎竟云何賊驚怖夜遁又劉繇傳竿融者丹陽人初聚

百數眾依陶謙謙使督運漕運大起浮屠祠以銅為人黃金塗身三重樓閣道可

容三千餘人悉課讀佛經策傳注道士于吉往來吳會作符水以治病吳會

人多迎之策嘗于郡城門樓集會諸將賓客吉趨度門下諸將賓客三分之二

下樓迎拜掌賓者呵禁不能止策即令收之曰起家曲阿收軍牛渚

此子妖妄幻惑眾心不可不除也即催斬之

去表文箋正

卷十四

二

廓清吳會奄有江東百姓以為龍自天來虎憑風至

勢必山傾地坼井堙木刊矣而乃望見兜鍪陳平冠

玉再瞻談笑子晉神仙三軍無雞犬之驚千里有壺

漿之獻氣吞魏武避猢兒之鋒表奏漢皇迎許田之

駕蓋不踰年而大勳集矣

曲阿見空刑 策傳注策渡江由牛渚營

盡得秣閭糧穀戰具 史記陳平世家

平雖美丈夫如冠玉耳其中未必有也 策傳策為人美姿顏好笑語 後漢王

喬傳注王子喬周靈王太子晉也好吹笙作鳳鳴游伊洛間道士浮丘公接上嵩山

二十餘年後來于山上告桓良曰告我家七月七日待我緜氏山頭乘白鶴駐山頭

望之不得到舉手謝時人而去 策傳注策時年少雖有位號而士民皆呼為孫郎

競以牛酒詣郎至皆失魂魄及至軍士奉令不敢虜畧雞犬菜茹一無所犯民乃大悅

策傳建安五年曹公與袁紹相拒于官渡策陰欲襲許迎漢帝

不圖天意佳兵三分已定丹徒

逐鹿一矢相遺劍出匣以沙埋日升東而雲掩天實

為之非偶然也

老子夫佳兵者不祥物或惡之故有道者不處 諸葛亮出師表今天下三分益州疲弊 策傳注吳郡太守

許貢表於漢帝曰孫策號雄與項籍相似宜召還京邑若放於外必作世患策知而殺之真奴客欲為報仇獵日卒有三人即真客也策問何人答曰韓賞在  
此射鹿耳策射一人應弦倒地二人  
夫漢家之火德方衰妖讖之怖便舉弓射策中頰後瘡裂而死

黃龍已死王如創業美矣君哉然觀其絕公路之手  
書宣昭大義問劉繇之兒子繆繇平生雖神勇之非

常偏深情之若揭就使請隧周室謀鼎暉臺必非操  
莽之邪姦終見高光之磊落也

漢高帝紀贊斷蛇著符旗幟 尚赤協于火德自然之應 策

傳時表術僭號策以書責之而絕術字公路 劉繇傳策西伐江夏還過豫章 收載繇喪善遇其家又王朗遺策書曰禮元子致有志操想必有以殊異 左傳僖廿五年晉侯朝王王饗禮命之宥請隧弗許 戰 而說者謂坐 國策顏率曰梁之君欲得九鼎謀之暉臺之下沙海之上

竟垂堂勇忘重閉未免麤同項羽死類諸樊不知伏  
表文箋正 卷十四 三

弩軍門亦傷劉季深追銅馬幾失蕭王成敗論人古

今同慨彼齊武王之沉鷲晉悼公之雍容俱未輕身

亦無永歲抑又何也

司馬相如諫獵書諺云千金之子坐不垂堂 禮記仲冬之月命奄尹申官令審門閭謹房室

必重閉 吳越春秋吳王諸樊驕恣輕慢鬼神仰天求死 史記高祖本紀高祖姓 劉氏字季四年漢王項羽相與臨廣武之間漢王數項羽十罪項羽大怒伏弩射中 漢王漢王傷胸乃捫足曰虜中吾指 後漢光武紀更始遣侍御史持符節立光武 為蕭王又曰秋光武擊銅馬戰於順水北乘勝輕進反為所敗賊追急短兵接光 武自投高岸遇王豐授馬得免 後漢宗 室傳齊武王續字伯升光武之長兄也

今者廟貌雖頽風雲自

在端坐悒悒郎君之神采珊然秋草茫茫討逆之旗

旗可想三吳士女皆王之遺民六代雲山皆王之陳

迹

孫策傳曹公表 策為討逆將軍 守土官表枚幼讀史書掩卷生慕來瞻

祠宇雪涕沾襟難從隔代以執鞭悞欲升堂而拜母

修下士天臺之表寄將軍帳下之兒願安泰厲之壇

永錫編氓之福勿孤普淖鑒此丹誠嗚呼千載論交

王識少年之令尹九原若作吾從總角之英雄

史記管晏列傳

假令晏子而在余雖為之執鞭所欣慕焉 南史沈炯傳炯嘗獨行經漢武帝通天臺為表奏之 魏略劉表自作書與孫伯符以示彌衡衡曰欲示孫

郎帳下兒耶將使張子布見乎 禮記王為羣姓立七祀曰司命曰中雷曰國門曰國行曰泰厲曰戶曰竈 宋史汪大猷傳害及編氓 儀禮士虞禮嘉薦

普淖注普大淖和也德能大和乃有黍稷 唐戴至德傳高宗嘗為飛白賜李敬元曰資啟沃罄丹誠 詩傳總角聚兩髦也

補注

左昭公元年傳楚公子圍設服離衛叔孫穆子曰楚公子美矣君哉

表文箋正 卷十四

公祭襄勤伯鄂公文

名鄂容安在伊里死事

嗚呼徹曉含芒天星所以高上將見危授命人世所以重尸臣乃有枉矢西流赤烏夾日班超之行萬里韓弇之歿三邊海內為之搥膺

天子聞而郊弔豈非犀軒直蓋光爭鐘鼎之先馬革

殘屍位列雲臺之上者哉

史記天官書斗魁戴匡六星曰文昌宮一曰上將二曰次將三曰貴相四曰司命

五曰司中六曰司祿漢郊祀志美陽得鼎獻之鼎中有刻書曰王命尸臣官此桐邑注尸臣主事之臣也魏文帝與鍾繇五熟釜書周之尸臣宋之考父衛之孔惺晉之魏顛彼四臣者並以功德勒名鐘鼎漢天文志枉矢狀類大流星蛇行而蒼黑望如有毛目然表異錄項羽救鉅鹿枉矢西流枉矢所觸天下之所伐射滅亡象也魏志方技傳注赤烏夾日歿在荆楚後漢班超傳相者曰祭酒布衣諸生耳而當封侯萬里之外國語公父文伯卒其母戒其妾曰請無齎色無洵涕無抱膺無憂容左傳襄公二十三年齊侯餞苦吾子親鼓之獲杞梁齊侯歸遇杞梁之妻于郊使弔之辭曰死之有罪何辱命焉若免于罪猶有先人之故廬在下妾不得與于郊弔

表文箋正

卷十四

五

左傳定公九年齊侯得敵無存尸公三楨之與之犀軒與直蓋而先歸之後漢馬援傳援請擊匈奴曰男兒當效死於邊野以馬革裹尸還葬耳後漢永平中顯宗追感前世功臣乃圖畫二十八將於南宮靈臺

咸姜家呂伋華嶽削成于面目雷精感應于胎生受

五運之金多太阿立斷得九秋之氣勁止水無波少

步花磚三清受職長持玉節十部宣威謝傅領丹陽

者一年陶公穆風聲于千里

書君奭篇篇巫咸又王家在祖乙時則有若巫賢按巫賢巫咸之子今襄勤

伯係大學士鄂爾泰之子文嘗用巫賢為是史記齊世家太公之卒百有餘年花磚周禮掌節守邦國者用玉節

天子受降伊里命公出鎮呼韓明知梨樹請盟吐蕃

難信涇州獻簿醜奴可疑祇因王者推誠聖人無外

故使甘陳為都護將倚頗牧如長城公奉

詔鑿行誓心采入戎裝別母有淚無言秋日從軍多

霜少露益早已笑看金玦長辭玉關矣梨樹見延綬將軍書 漢甘延壽傳

車騎將軍許嘉荐延壽為郎中諫大夫使西域都護騎都尉與副校尉陳湯共誅斬郅支單于唐李勣傳我用李勣守并突厥不敢南賢于長城遠矣

公羊傳成公十有三年公自京師具言自京師何公鑿行也公鑿行奈何不敢過天子也詩采入其阻 左傳閔二年晉侯使太子申生伐東山臯落氏太子帥師公衣之偏衣佩之金玦 後漢班超傳注玉門關屬燉煌郡

亡何豺狼起于轂下烽煙莽若雲來犬不左牽鞮難御突抱九地九天之智莫可施

為聽一甄兩甄之鳴長圍漸逼拳毆突厥肘見骨而

未休旗偃雷門血溺驂而尚戰禮記獻犬者左牽之注犬噬齧人右手當禁脤之 漢刑法志

今漢承哀周暴秦極敵之流俗已薄于三代而行堯舜之刑是猶以鞮而御騶突遠救時之宜矣孫子善守者歲于九地之下善攻者動于九天之上 晉周

表文箋正 卷十四 六

訪傳杜曾大為寇害命訪擊之訪使李恒督左甄許朝督右甄令其眾曰甄敗鳴三鼓兩甄敗鳴六鼓北史達奚長儒傳開皇二年突厥寇略西南詔以長儒為行軍總管擊之轉關三日五兵咸盡士卒以拳鬪之手皆骨見殺傷萬計 春秋感精符戰兵雷合龍門溺驂短拳困拔山之

手妖雲遮捧日之心雖必死是期不去教曹鼓蓋而

大臣難辱終抽光弼靴刀嗚呼痛哉百草青燐誰辨

蔣侯之骨厥旌冷翼虛歸穆伯之喪琴音鞞周禮秋官掌囚上罪拮拳而桎中罪桎下罪拮注拮者兩手共一木也 漢天文志迅雷風袂怪雲變氣 北史高允傳

高昂字教曹昂心輕敵建旗蓋以臨陣西人盡銳攻之一軍皆沒唐李光弼傳光弼將戰謂左右曰戰危事光弼位為三公不可死於賊手及擊賊常帶短刀

於靴中有決死之志淮南子記論訓久血為燐 搜神記蔣子文為珠陵尉逐賊被擊而死吳先主使為中都侯立祠宇晉王導傳導等子悅疾篤導忽見人形狀甚偉曰僕是蔣侯也公兒不佳欲為請命耳 殷晉歌說文陳車服于庭也

穆伯見紅 一柱西傾 九重天泣驚聞鼙鼓痛甚沙場

豆村人序

養孤兒于羽林錫高堂以胎穀刻木以像鮑信碧葬

風涼臨池而痛彥昇綠沉瓜墮

禮記君子聽鼓鞀之聲則思將帥之臣 王翰詩醉臥沙場

君莫笑古來征戰幾人回 漢百官公卿表取汲黯軍死事之子孫養羽林官教以五兵號曰羽林孤兒 後漢章帝紀詔曰人有產者復勿算三歲諸懷妊者賜胎養穀人三斛復其夫勿算一歲 魏志鮑信傳與太祖擊黃巾力戰死求喪不得眾乃刻木如信形狀祭而哭焉 南史任昉傳昉字彥升為新安太守卒於官武帝聞問方食西苑綠沉瓜投之于盤悲不自勝

假使公竟維婁質子牢籍賢王封

驃騎之狼胥築韓公之中壘轉不過策勳雙闕磨崖

一碑已耳又安能氣肅三靈而哀騰七萃也哉

維婁見高

太恭人序 列子仲尼篇長幼羣聚而為牢籍注籍本作籍謂性牢也 漢霍去病傳封狼胥居山禪于姑衍登臨瀚海 唐張仁愿傳仁愿請奪取漠南之地於河北築三受降城首尾相應以絕南寇之路六旬而三城俱就以拂雲祠為中城與東西兩城皆據津濟遙相應接景龍二年封韓國公 晉書孝友傳序分渾元而立體道賈三靈資品景以順名功首萬象 七萃見尤貢父序

今日者旄頭宵落龍庭晝空

鳴鏑者銷聲沸脣者聳伏終軍被害卒臬南越之頭

素文彙正 卷十四

七

來歙雖亡終取公孫之蜀公之目可以瞑矣公之心

可以安矣

史記天官書昴曰旄頭 龍庭見延綏將軍書老上注 史記匈奴傳冒頓作為鳴鏑習勒其騎射今日鳴鏑所射而不悉射者斬之 白氏六帖賈誼曰沸脣擾塞垣之下匈奴號也 漢終軍傳自請願受長纓必羈南越王而致之闕下軍遂往說越王越王聽許越相呂嘉不欲內屬發兵攻殺其王及漢使者皆死 後漢來歙傳歙與蓋延馬成進攻公孫述蜀人大懼使刺客刺歙未殊歙召蓋延受所誠自書表投筆抽刃而絕

某等曾依麾下同沐清風過細柳之軍營尚思刁斗

望周南之芟舍敢折甘棠方期式像于凌烟豈料招

魂于絕域雍容裘帶涉想猶存叱咤風雲音塵不再

漢周亞夫傳河內守亞父為將軍軍細柳上自勞軍 史記李廣傳注以銅作錐器受一斗晝炊飯食夜擊持行名曰刁斗 唐太宗紀十七年圖功臣於凌烟閣 後漢班超傳超以一身轉側絕域 晉羊祜傳祜鎮荊州在軍嘗輕裘緩帶身不被胃 駱賓王討武后檄嗚則山岳崩頽叱咤則風雲變色 謹

以牲牢之奠聊申部曲之心黍稷非馨丹誠可鑒所

冀刀弓自動即為來亨之徵轂左歸來莫作思鄉之

夢

漢李廣傳注將軍領軍皆有部曲 劉向說苑雍門狄曰昔者王田子固左轂鳴車右請死之曰為其鳴吾君也今越甲至其鳴吾君豈左轂之下哉

車右可以死左轂吾獨不可以死越甲耶

補注

左哀公六年傳是歲也有雲如衆赤鳥夾日以飛三日 龍城錄上皇始平禍亂與道士馮存澄射覆得卦曰合因又曰斬關又曰鑄印乘軒存澄曰昔此卦三靈為最善昔帝勝炎帝而

筮得之所謂合因斬關鑄印乘軒始當果斷終得嗣天

袁文箋正

卷十四

八

祭盧恭人文

嗚呼同作寄公悵通家之人少遽傷嘉偶驚少女之風多月方耀夫織阿星忽沉于織室此鰥魚所以有常開之目隣春所以有不相之聲也而况德重金閨

受公宮之四教聲留彤管歌靜女之三章者乎

魏志管輅

傳輅過清河太守時大旱輅言樹上已有少女微風樹間又有陰鳥和鳴者少女反風羣鳥飛翔雨應至矣 陳耀文天中記織阿山名有女子處其巖月歷數度躍入月中因為月御也 荆楚歲時記牽牛娶織女借天帝二萬錢下聘久不還天帝怒駮在營空中每年祇一見 書傳無妻曰鰥釋名鰥昆也昆明也愁悒不寐目恒鰥鰥然也故其字從魚魚目恒不開者也 禮記隣有喪春不相 詩采蘋箋教以婦德婦言婦容婦功教成之祭牲用魚芼用蘋藻所以成婦順也 法度莫大乎教 恭人本宏農著姓生息土名區媿燿蘊其是又祭以成之

容莊姝表其度既懷文而抱質亦習禮而明詩

淮南子地形訓

表文箋正

卷十四

九

禹乃以息土填洪水以為名山西陽雜俎息土人美耗土人醜 宋玉神女賦貌豐盈以莊姝兮苞溫潤之玉顏 魏文帝與吳質書偉長獨懷文抱質恬淡寡欲有箕山之志 曹植洛神賦嗟佳人之信修美習禮而明詩

膠之續初傳下達頓起譏言或謂餘杭路遙納幣何

須出境或謂藁砧日暮生稊已屬枯楊苟非玉女清

驢寧免冰人卷舌

十洲記鳳麟洲上多風麟數萬為羣者鳳皇及麟角合前作青名之為續弦膠 儀禮士昏禮下達

納採用雁注達通達也將欲與彼合婚必先使媒氏下通其言 春秋繁露詰其名實觀其離合則是非之情不可以相調已注調証言相加也 古樂府藁砧今何在山上更有山按藁砧夫也 易枯楊生稊老天得其女妻 禮記故

國君取夫人之詞曰請君之王女與寡人共有敝邑 漢楊雄傳玉女無所眺其清驢 晉書藝術傳索統善術數占候令狐策夢五水上與水人語統下水

上為陽水下為陰陰陽事也士如婦妻逆水未泮婚姻事也君在水上與水人語為陽語陰媒介事也君當為人作媒 劉勰新論天有卷舌之星人有織口之銘所以警誡言防口說也

乃恭人耳聞嚴命手戴香纓慕楚國之先賢欣然筮日作盧家之少

婦不復疑年蓋其神識超然早已加人一等爾雅婦人之禕謂之

古者冠禮笄日笄賓沈佺期詩盧家少婦鬪金堂海燕雙栖玳瑁環左

傳綵縣人或年長矣無子而往與於食有與疑年使之年注將有所與見其年

老疑其年使言其年禮記孟獻子禕縣而不樂比御而不入夫子曰獻子加于

人一等矣

及其嬪于學士也曲號姑恩獲婦如歌得寶箴修

女史執鍼間以織衽三條三翻概散修蜃之器一燈

一卷蘭薰粉澤之書古樂府有姑恩曲 唐食貨志先時民間唱俚歌

成甫更得體歌為得寶其詞有曰三郎當殿坐聽唱得寶歌張華作女史箴

左傳楚侵及嗎橋孟孫請往賂之以執斷執鍼執衽皆百人禮記女子十年不

出姆教婉婉聽從執麻烹治絲蘭執衽組紉學女事以共衣服戴復古白學歌

一織三條子周禮春官甸人廟用修凡山川四方用蜃凡課事用概凡詭事用散

按修蜃概散皆漆尊也白居易詩中有獨宿旬一燈復一榻 法言一卷之書

必立之師廣絕交論蘭熏雪白 上官儀封禪表發禮義于丹青敷神化之

粉學士好直言而恭人進伯宗之戒學士偶入覲而

表文箋正卷十四十

恭人為裴澤之從既連襪以綺裳亦雙心而一袂曹

大家所謂婦如影響焉得不賞者其恭人之謂矣左傳

成公十五年伯宗每朝其妻必告之曰盜憎主人民惡其上子好直言必及于難

潘岳藉田賦躡踵側肩綺裳連襪劉孝標樂府柄樞雙心共一袂相腹兩邊

作八襪後漢列女傳扶風曹世叔妻者同郡班彪之女也名昭博學高才和帝

數召入宮令皇后諸貴人師事焉號曰大家作文誠七篇第六篇曰曲從其詞有

云婦如影响焉得不賞且夫黍離之什伯奇野放之歌也黑心之符

義方諷世之作也從來後母絕少慈雲恭人撫暮鴉

之嬰媿學鳴鳩之平一為兒髮髻治禿以無嫌哺

女淖糜喚摩敦而共樂琴操伯奇見逐自傷見放於是援琴鼓之

黑心符一卷錄以傳後黑心者繼婦之德名也陶氏子孫其戒之哉鷄跖集如來

慈心如彼大雲蔭注世界魏力救切稚子也 說文嬰媿人始生也 詩傳鳴鳩

之養其子朝從上下暮從下均平如一儀禮少年饋食禮主婦被褐注被褐讀

為髮髻古者或剔賤者刑者之髮以被婦人之紒為飾因名髮髻焉淮南子

齊俗訓親母為其子治禿禿而血流至耳見者以為愛之至也使其在繼母則過者以為嫉也注托音蓋爾雅粥糜也注曰淖糜鮮卑呼母曰摩敦見紅豆村人序忽殤文伯痛甚敬姜湯液扶持冷霧清霜之際

蟻痕停結拍膺洵涕之餘不因異腹而損慈翻以銜

哀而致毀其病也乃其所以為賢歟魯語公父文伯之母朝哭穆伯而暮哭文伯仲

尼聞之曰季氏之婦可謂知禮矣敬姜文伯之母史記扁鵲博病不以湯液體

瀝史記倉公傳臨蓄汜里女子薄吾病甚巨意診其脉曰蟻痕為病腹大上膚黃麗之戚戚然拍兼之不侈妬下旁求側室之嬖嫗膚洵涕見前祭褻勤伯文

惟恐潔宗勸續小郎之介婦米鹽凌襍碩畫分明姘

姆歸依齊聲延祝此又善心為窈善容為窈之明徵

也已韓愈城南聯句采伴颯嬖嫗按嬖嫗幼婦也詩傳醉而不出是潔宗也晉王凝之妻謝氏傳凝之弟獻之與賓客談議詞理將屈道

韞遣婢白獻之曰欲為小郎解圍禮記介婦請于家婦史記天官書臯唐甘石因時務論其書傳故其占驗凌雜米鹽注凌雜交亂也米鹽細碎也

表文箋正卷十四十一

魏都賦碩畫精通目無匪制晉書武十三王傳妯姆尼僧尤為親暱按妯音媠婦之老者能以甘言悅人故從甘詩關雎踟揚雄云善心為窈善容為窈

客秋枚山妻以鄉里之親遣女奴作私覲之請

蒙恭人賜之敷坐接以和顏雖欽遲未來大亨廢夫

人之禮而餘恩逮賤小君有竹簋之將嗚呼人何淑

也僕有感焉杜甫詩理生邪免俗方法報山妻沈約詩還家問鄉里詎堪持作夫周禮注異女奴也論語注私覲以私

禮見也白居易詩淨石堪敷坐寒泉可濯巾洛神賦收和顏而靜志考中禮防以自持禮記子曰禮非祭男女不交爵以此防民陽侯猶綴緇

矣而竊其夫人故大亨廢夫人之禮祭器內圓外方曰簋蓋聞媒以名通大抵華年牀合

妻因夫貴都夸興慶首行是以高柔愛玩賢妻有終

焉之志元相悲傷故劔因晚景之榮學士上苑探花

湘南持節雖如春夢已付輕雲而恭人齒未三旬歸

才五載假使慶鍾于後天假之年安知不滕繞珠胎

班高命婦

張協詩曙昔協蘭房繼緒在華年 班合見婦娶表 元植詩與慶首行千金婦會稽勞帶六諸侯自注于妻朝太后后與慶

恨為班首 書記洞詮注晉有高柔孫統叙其集曰柔字世遠樂安人婚泰山胡母氏姿色清惠柔既罷安固令營宅於伏以愛玩賢妻便有終焉之志 元相元

積遺悲懷詩謝公最小偏憐女自嫁黠妻百事平又曰今日聘錢過十萬與君

營與復營齊按唐詩紀事稭先娶京兆韋氏名蕙叢 侯鯖錄東坡在昌化負

大輦行歌田間續婦年七十曰內翰昔日富貴一場春夢 三輔洪錄孔融見

韋元將仲將與其父曰曰不意雙珠生于老蚌吳郡賦蛤蚌珠胎與月虧全

而乃乘龍于絳帳埋玉于青溪三日結襦便製諸兒

之文葆一盤首菡空勞親手之羹湯病已劇而未使

郎知身將殞而始聞賢至宜乎莊盆憤鼓猶迴木石

杜甫詩門闌多喜氣女壻近乘龍 晉書庾亮

之腸况復潘髻將衰忍制瓊瑰之淚

傳亮將葬何允會之歎曰埋玉樹于土中使人情何能已 史記趙世家公孫柝

曰程嬰二人謀取他人嬰兒負之衣以文葆匿山中 薛令之詩盤中何所有首菡

表文箋正

卷十四

長闌干 王建詩三日入厨下洗手作羹湯 莊子至樂福莊子妻死惠子吊之

莊子方箕踞鼓盆而歌 潘岳秋興賦序余春秋三十有二始見二毛趙嘏詩秦

城馬上半年客潘鬢水邊今日愁 左傳成公十七年初聲伯夢涉洹或與己

瓊瑰食之泣而為瓊瑰盈其懷從而歌之曰濟澗之水贈我以瓊瑰歸乎歸乎瓊

理盈吾懷乎 然而福者邱里之欣德者竹素之耀數者偶然

之遇緣者無盡之稱恭人丹心寸意不炫睫前遠迹

崇情頗期身後故知花釵九樹原非桓孟之光青史

千年裁是姬姜之壽 齊諧記日暮風吹葉落依枝丹心寸意愁君未知 顏延年詩崇憤符遠迹清氣溢素襟

唐輿服志命婦服花釵翟衣青質第一品花釵九樹 後漢鮑宣妻桓少君梁鴻妻孟光 左傳雖有姬姜無棄蕉萃

玉棺日勿墜

金簡難湮五時衣空三生石在學士又何必以無涯

之情愛悼不駐之光陰也哉枚愧無一束之芻上作

萋餘之薦敢奏九歌之曲敬招瓊尸之魂靈或有知

庶其來格哀哉

風俗通王喬為葉今天下二玉棺於廳事前 吳越春秋禹登宛委山發金簡之書 後漢東平王蒼傳肅宗

建初三年從皇太后周行掖庭池閣乃閱陰太后舊時器服愴然動容乃命留五時衣各一襲餘悉分布諸王 甘澤謠三石石上舊精魂實月吟風不要論

後漢徐穉傳郭林宗有母喪穉往弔之置生芻一束於廬前而去 說文萋餘叢生水中葉在萋瑞江東呼為萋

補注

樂府雜錄明皇初納太真妃喜謂後宮曰子得楊家女如得至寶也遂製曲名得寶子

素文箋正

卷十四

十三

檄吳縣城隍神文

昔重獻上天禁神人之褻處夏王鑄鼎除魑魅之不祥故知沈有履竈有髻者沴氣之偶垂也楚人鬼越

人機者弊俗之宜創也蜃宜杜之肉祇以勤民設太

陰之弓原為射厲國語少皞氏之衰九黎亂德民神雜糅家為巫史民責齊盟禍灾荐臻顛頭受之乃命南正重司天

以屬神北正黎司地以屬民使無相侵實按以重獻當即是重黎左傳宣公三年昔夏多方有德也遠方圖物貢金九牧鑄鼎象物而為之備使民知

神姦故民入川澤山林不逢不若魑魅罔兩莫能逢之莊子達生苴栢桓公曰然則有鬼乎曰石沈有履龜有髻注曰沉水汙也髻姓神着赤衣狀如美女

列子說符篇楚人鬼越人機春秋歸滕注販宜社之內盛以蜃器以賜同姓諸侯周禮庭氏掌射國中之天鳥若不見其鳥獸則以救日之弓與收月

之矢夜射之若神也則以太陰之弓與枉矢射之我國家齋宮澄肅祀典清嚴祇

正官閒女媧星耀過科車之故氣照白日之幽嬪稱

表文箋正卷十四十四

天而誅嶽瀆奉三章之法惑眾者殺軍民掃五厲之

壇唐官品有秩正秩音天女媧星名星經太白上公妻女媧居南斗食厲鬼天下祭之曰明星李商隱會朝中出陪同志詩科車過故氣侍香傳

靈氣曲禮生日妻死曰嬪漢高帝紀與父老約法三章耳管子昔堯之五吏五官無所食君請立五厲之祭祭堯之五吏凡夫蛇驚

赤衽鼠說黃祥宋無忌之兒妖徐阿尼之猫鬼靡不

銷聲滅迹輯羽藏鱗豈有怪異丹朱敢坊身以儀房

女悖同河伯竟娶婦以長巫風如汝吳縣隍神者何

其妄也金樓子孔子夢三槐間豐沛市有赤虺起呼顏回曰夏往觀之目赤虺化為黃金上有文曰卯金刀搜神記漢昭帝時有黃鼠銜其尾舞王

官端門中王使吏以酒脯祀之搜神記安平太守王基家有賤婦人生男墮地便走入灶中輟曰兒生便走非能自走直宋無忌之妖將其父灶也隋獨孤陀傳陀婢

徐阿尼常事猫鬼每以子日夜祀之言子者鼠也每殺入其財物即移于著猫鬼家

周語昔昭王娶于房曰房石實有與德協于丹朱丹朱德身以儀之生穆王馮焉一作坊身史記滑稽傳西門豹為鄴今閩民疾苦長老曰苦為河伯娶婦惟神血食金閭卵翼士女繩

其家土宰執殤宮有魃之妖當呼甲作食之或鮭

蠶之祟當命方相擒之湯珍元夕詩吳趨西去接金闕左傳哀公二十二年勝如卵余翼而長之矣周禮秋

官雜氏秋繩而芟之注合實曰繩書宜于家土注曰社殤官見王雋人志見中注後漢禮儀志大儺謂之逐疫辰子知日甲作食魃腫胃食虎雄伯食魅按此似腫胃二字為文莊子達生篇東北方之下者啗阿鮭蠶躍之注鮭蠶狀如小兒周禮夏官有方相氏帥百隸而時儺以索室毆疫乃元妙

觀旁女子沈阿雲口稱神據病入談詒半黠半癡非

因非想戶構不枕遭蹴首之驚婢變不祠受妖夫之

曳花如著霧霧但有啼痕玉未成烟漸無華色三更吹

霎白蛻嬰拂之風一夢行雲紂絕陰天之所兪娘擁

髻以泣徧請神方戚隣掩戶而驚懼招鬼婿嘻異矣

莊子達生篇桓公田于澤見鬼焉談詒為病數日不出晉顧愷之傳愷之體中癡黠各半合而論之正得乎耳晉樂廣傳衛玠嘗問廣夢廣曰是想玠曰神形

表文箋正

卷十四 十五

所不接而夢豈是想耶廣曰因也玠思之經月不得遂以成疾廣聞故命駕為剖

析之玠病即愈廣歎曰此賢胸中當必無膏肓之疾淮南子記論訓枕戶構而

臥者鬼神蹠其首按玉篇楚人呼門限曰構說文漢律婢變不得侍祠妖夫

見王郎曲序杜甫詩老年花似霧中看李商隱詩藍田春暖玉生烟琴辛

雜識吹霎二字每見劉長卿用之作傷寒感冷意云出漢書然莫可考也繼閱

方書云吹霎傷風必有所據天問白蛻嬰弟胡為此堂宋玉神女賦旦為朝

雲暮為行雨蘇軾詩仙山靈雨濕行雲真誥闡幽微篇鬼神之官第一官名為

紂絕陰天宮人初死皆先詣紂絕陰天宮中受事晉書藝術傳或假靈道訣

或受教神方夫五行六氣之怪聖人不言四鄉九正之靈明

時効順高高在上寧非有道之天虺虺其聲豈是無

雷之國如何非類還爾相干午乃淫威肆其竊疾棄

位而姣明裡非野合之場不夫而婚內土豈司幽之

國禁部民之娶律有明刑嚴左道之誅法宜加等

左傳隱公六年九宗五正注五正五官之長也勾芒木正祝融火正蓐收金正元冥水正后土土正按此似作五正漢西域傳無雷國王治盧城去長安九千九百五十

里 廣韻心不欲見而見曰還 詩既有淫威降福孔夷 戰國策墨子見楚王曰今有人於此舍其父軒隣有敝輿而欲竊之舍其錦繡隣有短褐而欲竊之舍其梁肉隣有糟糠而欲竊之此何若人也王曰必為有竊疾者矣 左傳襄九年穆姜曰棄位而嫁不可謂貞 史記孔子世家叔梁紇與顏氏女野合而生孔子 精氣潛感不假交接而生子如鵠 律凡州縣親民官任內娶部民婦女為妻妾者杖八十 禮記拆言破律 亂名改作執左道以亂政殺 或者繡衣乘傳漢官尚有詐稱焉

知社鼠城狐冥府不無假託然而既少聰明之察終

慙黍稷之馨欲斬神叢先焚祆廟 後漢光武紀二年光武以

擾亂言邯鄲使者方到光武乃自稱邯鄲使者入傳舍久乃駕去 楊慶復

宮闕後上執政書耗民之生如城之狐蠹民之力如社之鼠 戰國策應侯謂

秦昭王曰亦聞恒思有神叢歟 墨 下官偶來吳下居此凶矜

怒髮植竿雄心拔鞘撫長劍兮擁幼艾雅慕騷人鉞

猛氏而斲游梟敢藏賊手 詩君以凶矜箋凶危之地 西京賦通使

表文箋正 卷十四 十六

如竿 杜甫大食刀歌壯士短衣頭虎毛憑軒拔鞘天為高 楚詞少司命從

長劍兮擁幼艾孫獨宜兮為民正 上林賦鉞猛氏注猛氏獸名 上林賦射

游梟櫟蜚遠注 梟羊山精也 女父龍官陽為造室之求陰作鸞霓之奪

下官不忍拒也哀渠窈窕曉汝淫昏彼美人兮焉能

事鬼我丈夫也不愧于天焚斗檢之斜封當艷都之

露布 左傳昭公十一年泉丘人有女夢以其帷帳孟氏之廟遂奔僖子使助

之 李賀詩鸞為寬奪得不還人醉卧攪瑜滿堂 今日者兩行花燭

月 周禮以壘即出入之注壘即如今斗簡封 一色刀光依子催妝桃及撒帳磬折以待權為西門

豹之揶揄磨厲以須莫怪郭代公之鹵莽 後漢禮儀先 臘一日大難其 選中黃門子弟年十歲以上十二以下百二十人為侖子 韓詩外傳齊桓 公出遊過一丈夫哀衣應步帶著桃及桓公恠而問之丈夫曰是名二桃桃 之為言亡也夫日日慎桃何患之有 史記滑稽傳西門豹簪筆磬折向河 立待 江瑩烏將軍傳代國公郭元振夜行失道投一宅悄無人俄聞女子哭

聲問之曰此鄉有烏將軍每歲求偶必擇處女之美者嫁焉公伺其至投其  
腕斷之乃猪蹄也尋其迹得而殺之女辭其父母請從郭公公因納為側室

表文箋正

卷十四

募修成仁菴疏

成仁菴者金陵南門外一寶刹也隣方景之祠厥名  
有自近雨花之畔勝景無涯余記洛陽之伽藍發楚  
人之平府知其靈光造久宣榭災餘金色消沉空有

祇園之號化生震動徒生雲殿之嗟晉王導傳建康古之金陵江寧聚寶門外有

方孝孺景清祠 雨花臺在江寧城南名勝志梁武帝時僧雲光講經于此有

天花之瑞故名 洛陽伽藍記楊銜之撰 王延壽靈光殿賦序魯靈光殿者蓋

景帝程姬之子恭王餘之所立也遭漢中微自西京未央建章之殿皆墮壞而靈

光巋然獨存 春秋成周宣榭火注宣榭講武屋 孔德昭宿定晉嚴詩仁祠表

虛曠祇園展肅恭 瑜迦論像設而延日卯生含威而出日胎生假潤而生

曰濕生無而化有曰化生 王僧孺任府君傳時乃高閣雪宮廣開雲殿 鑑堂

上人小住有年大修無力悲禪堂之穿漏佛頂星明  
擷伽葉之飄零經幢苔綠無花可踏來鹿女以難行

表文箋正 卷十四

十一

有樹將移呼嶽神而不動佛報恩經南窟仙人石上浣衣去後雌鹿來飲其汁尋便懷妊月滿產生一女

南窟仙人以草衣裹拭將還至年十四其父愛念常使宿宿火一日滅父言北窟

有火汝可往取爾時鹿女即往指北窟步步舉足皆生蓮花 指月錄嵩岳元珪

禪師隱于岳之龐塢有神人來謁曰吾此岳神也師曰汝能移此樹于

東嶺乎神曰聞命其夕有暴風吼雷詰旦和霽則北巖松括盡移東嶺 不得

已而抱孟鉢走天涯膜手人間自稱募者將錢繫社  
尚且稱神徙鼎入齊能無用衆苟為山於平地一簣

先施則造塔于諸天合尖有日稗天子傳昔金之環三五朱帶貝飾三十膜拜而受 魏志邳

原傳注原嘗行得遺錢拾以繫樹枝此錢既不見取而繫錢者愈多問其故答

曰謂之神樹原惡其由已以成淫祀乃辨之于是甲中遂斂其錢以為社供 戰

國策齊將求九鼎顏邑謂齊王曰昔周九鼎九鼎而九萬人輓之 九

九八十一萬人士卒師徒器械器備具所以備者稱此今大王縱有其人何途之從而

出臣竊為大 王私慶之 伏願大宰官身諸善男子憐其苦行結此勝

緣以六百萬贖魏徵之故居勝一千緡造戴達之新

宅或頌仁粟量鼓獨操或餽義漿挈瓶無倦分八功  
之水流爲大川合千燈之光混成一色庶幾法鼓將

沉而更震梵蓮已落而重開自見九級臺成豈慮百

人瓢裂

楞嚴經應以宰官得度者現宰官身而爲說法 金剛經若有善男子善女人 幻異記大歷中有一僧稱爲苦行常衣紙衣時人呼

爲紙衣禪師 梁武帝詩寫言追善友回輿尋勝緣 唐白居易傳淄青節度使李師道進絹爲觀微子孫贖宅居易請官中爲之收贖憲宗深然之

戴逵捨宅爲寺 禮記父母既歿必求仁者之粟以祀之此之謂禮終 禮記獻米者操量也 搜神記楊公雅伯洛陽人父母亡葬無終山遂家焉山高無水平

好地有石處種之云玉當生其中 左傳昭公七年雖有挈瓶之智守不假器禮也 彌陀經極樂國土有七寶池八功德水充滿其中 按八功德水一清二冷三香

四柔五甘六淨七不饑八蠲疾 維摩經有法門名無盡燈譬如一燈然千百燈

謝靈運山居賦法鼓响頌偈清發 漢賈誼傳人主之尊聲言如堂羣臣如陛

衆庶如地故陛下九級上康遠地則堂高老子九層之臺起于累土 戰國策百人與獸而趨不如一人持而

走疾百人誠與獸獸必裂 嗟乎鑄疑有術佛不如仙大會無

表文箋正

卷十四

一九

避儒能助墨忍使華嚴富貴空存十笏阿蘭要非開

士慈悲誰助一流黃鐵當仁不讓諸君須捆載而來

有志未成菩薩亦倚門而望

春秋繁露咎在於金則鑄化凝滯 南史梁武帝紀帝幸同泰寺設

無遮大會 隋庾嘉話顯慶中王元策使西域有維摩居士石室以手板縱橫量

之得十笏 後漢西域志奄蔡國改名阿蘭聊國屬康居釋氏要覽梵言阿蘭若

唐言無淨一云閑靜處 李白贈僧詩衡岳有開士 南史蕭穎胃傳長沙寺僧

鑄黃金爲龍數千兩埋土中歷年相傳付稱爲下方黃鐵 國語齊桓公知諸侯

之歸已也故使輕其弊而重其禮諸侯之使垂橐而入捆載而歸 後漢耿弇傳

武帝賜弇曰將軍前在南陽建此大策常以爲落落難合有志者事竟成也 戰

國策王孫賈母曰汝朝出而晚來則吾倚門而望暮出而不還則吾倚閭而望

補注

平府見呂氏春秋 桓子新論天下神人五一曰神仙二曰隱淪三曰使鬼物四曰先知五曰鑄疑

袁文箋正卷十五

錢唐袁枚著

館後學石韞玉箋

為尹太保賀伊里盪平表

臣聞王者大一統之義春秋復九世之仇古之聖人

握金鏡秉神機固將亭毒八荒盧牟六合也言乎王正

月大一統也 公羊傳遠祖者幾世乎九世矣九世猶可以復讐乎雖百世可也 劉峻廣絕交論蓋聖人握金鏡闡風烈 陰符經爰有奇器是生萬象入

卦甲子神機思蔽 列子亭之毒之注亭謂品其形 毒謂成其質 淮南子要略訓盧牟六合混沌萬象

然神禹導河不

過積石秦皇立界止于臨洮軒轅轡野之師高辛觸

山之務成湯三股之伐周王鮪水之誓雖智竭囊底

而功止寰中未有我武惟揚窮天之界如今日者史路

袁文箋正 卷十五

黃尤傳有熊氏執尤于冀而誅之以甲兵釋怒用大政順天恩叙記于太常用名之曰絕轡之野身首異處 淮南子昔共工與顓頊爭帝怒而觸不周之山

天柱折地維絕 後漢郡國志定陶本曹國古陶堯所居有三股亭注湯伐三

股字典有股字注三股國名 類篇武王伐紂使膠革禦之鮪水上 史記樗

里子傳樗里子滑稽

多智秦王號曰智囊 欽惟

皇帝陛下一人有慶五嶽無塵海水不波問摩訶無

使者青雲千呂知中國有聖人固已絕地通天瞻雲

奉律矣拾遺記盧扶國中水不揚波風不折木 十洲記天漢三年西國

雲千呂連月不散意者閻浮有好道之君我故搜奇蘊而貢神香乘毛車以濟

弱水于今十三年矣 後漢南蠻傳周公居攝六年越裳以三象重譯而獻曰

久矣天之無烈風淫雨意者中國有聖人乎 尚書乃命重黎絕地天通 宋

史高麗傳占雲候海奉贄充庭李邕日賦就日瞻雲兮心若驚唐太宗傷遼東

戰立詩鑿門初奉 律仗戰始臨戎 惟準噶爾夷部僻處西陲跳梁沙漠稽

兩朝之文化煩 列聖之天心格矢來庭則許甘松

之互市赤囊報警則鳴琅鐸以專征張弛異宜德刑兼用亦以事機有待夷性難馴故也

漢蕭望之傳今卷一隅小夷跳梁于山谷間

國語昔武王克商肅慎氏貢楛矢晉文帝紀肅慎來獻楛矢石弩弓甲貂皮等晉書四夷傳吐谷渾控有西零以西甘松之界漢丙吉傳驛騎持赤白囊邊郡發奔命書周禮鼓人注文事奮木鐸武事奮金鐸

今天誘其哀神厭其德達爾札

與達瓦齊等篡弒相仍風災迭起撐犁不識敢倚天

驕朝定無人自然鳥散車楞吳巴什等率眾投誠阿

木爾撒納等領軍踵至或吹蠡享使或誇面請兵或

失鉢請除一官或燒當願當一隊國中牛馬盡向南

眠天上旄頭早看星落五單于爭立是匈奴降漢之

年九節度出師正回紇尊唐之日

漢冒奴傳單于其國稱之曰撐犁孤塗單于匈奴謂

袁文箋正 卷十五

二

天為撐犁謂子為孤塗左傳襄公十五年師慧過宋朝將私焉其相曰朝也慧曰無人焉唐吐蕃傳圍某陸博吹蠡鳴鼓為戲後漢耿秉傳匈奴聞秉卒舉國號哭或至梨面流血注梨即務字割也後漢段熲還護羌校尉會燒當等八種羌寇隴西金城塞頗將兵出擊破之晉書東夷傳肅慎氏通貢于石季龍問之答曰每候牛馬向西南視者三年矣是知有大國所在故來云史記天官書昂曰旄頭胡星也漢陳湯傳先是宣帝時匈奴垂亂五單于爭立呼韓邪單于與郅支單于俱遣子入侍漢兩受之唐回鶻傳可汗使王子骨啜特勒宰相帝德等率騎三千助討賊帝命僕固懷恩總之骨啜與九節度戰相州王師潰帝德等奔京師帝厚賜慰其意

我

皇上擴覆載之仁不置遠方于度外運照臨之智早

悉此虜於目中于是牙璋先頒金玦獨斷贊蔡州之

伐惟裴度一人計烏桓之兵屈陳湯五指從竈上駢

除瀚海取灰盤指畫天山

周禮春官典瑞牙璋以起軍旅以治兵中左傳閔公二年晉侯使太子申生

伐東山臯落氏衣之偏衣佩之金玦唐吳少誠傳宰相諫官屢以罷兵為請惟裴度堅於破賊漢陳湯傳湯與延壽出西域每過城邑山川常登望既領

外國與延壽謀矯制發兵過烏孫至康居界前至郅支城都賴水上止營傳陳  
外斬關氏名王以下千五百一十八級生虜四十五人降虜千餘人 史記匈  
奴傳驃騎將軍封狼居胥 山禪姑衍臨瀚海而還 歸漢封君啟關者即加顯擢祛衣

作衛鳴鏑者俾作先驅西北分兩道之兵聲勢動九  
天之上如太陽之沃霜雪所過皆消譬久旱之得雲

霓歸來恐後 後漢南蠻傳建武十二年九真徼外蠻里張游率眾人慕  
化內屬封為歸漢里君 後漢西域傳西域內附日久臣

區東望扣關者數矣 周禮地官司關凡四方之賓客啟關則為之告故同扣  
呂氏春秋知分篇伏飛攘臂祛衣拔劍劍赴江刺殺殺之 鳴鏑見延綏將  
軍書 漢趙充國傳武賢欲輕引萬騎分為兩道出張掖酒泉又鄭吉傳吉并  
護庫師以西北道故號都護 孫子善攻者動于九天之上 南史鮑泉傳方

等之敗元帝大怒泉與王僧辯討之僧  
曰計將安出泉曰事等沃雪何所慮 蛇矛未拔銀鴿先奔逐窮  
寇而狐尾頭低草降書而羊皮紙盡但整六師而返

不見一虜而還萬馬禁聲盡解鞍而蹶踣諸夷無事

素文箋正 卷十五

將買犢以耕耘開墾門招壤奠之臣取流沙為附庸

之國 蛇子見延綏將軍書 唐吐蕃傳其舉兵以七寸金箭為契百里一驛  
有急兵驛人臆前加銀鴿按此銀鴿疑即是銀鴿之說 孫子窮寇勿

追 唐吐蕃傳臨陣敗北者懸狐尾於其首表其似狐之法 南史夷貊傳胡  
書羊皮為紙 唐張仁愿傳常元楷為朔方軍總管始築墾門備寇 書經一  
二臣衛敢執壤奠 唐吐谷  
渾傳西北有流沙數百里 惟聖人之德大斯不怒而威亦王

者之功高故有征無戰踐龍庭之草露偃春風出玉  
門之關花開內地 元史太祖紀三年春帝至自西夏避暑龍庭 漢  
西域傳東則接漢阨以玉門陽關西則限以葱嶺

伏念我

聖祖遠滅延陀河西遺種我

世宗窮搜鞞鞞黑水留州凡 祖宗累年未竟之貽

謀皆 皇上一旦纂成之鴻業金山擒車鼻本文皇

漏網之魚渭水謁單于慰高祖平城之憾被我純績

戴我金犀飲朱提者三千人而未乾置驛遞者六百

所而更遠唐突厥傳車鼻亦阿史那族會薛延陀稱可汗乃往歸焉延陀畏逼將殺之乃率所部竄金山之北高宗永徽元年右驍衛郎

將高祖獲之漢匈奴傳甘露三年呼韓邪單于朝天子于甘泉宮上登長平渭橋下夾道陳上登渭橋咸稱萬歲

犀珍膳寧錮不亦亨乎後漢西南夷傳建武十八年夷渠帥棟查反叛十九年遣武威將軍劉尚等發廣漢犍為蜀郡人及朱提夷合萬三千人擊之尚軍

通入荒焉文唐太宗紀突厥之北至于回紇部落置驛六十六所以誤十為百

從此受降城下新來冠帶之民都護府中

不用防秋之策禽黎呼毒望氣來庭煎鞏黃抵聞風

請吏拔銅柱以掃地取金人而祭天化此輩為孝子

順孫何嫌荒服呼中國為仙宸帝所都恨來遲史記衛將軍傳

表文箋正 卷十五

封渾邪王萬戶為漯陰侯封其裨王呼毒尼為下摩侯鷹鹿為燿渠侯禽黎為

河塞侯大當戶銅離為常樂侯漢趙充國傳羌若零離留日種兒庫兵斬先零大家猶非楊玉首及諸豪夷澤陽離良兒靡忘皆率煎鞏黃抵之屬四千餘

人降漢漢馬援傳援到交趾立銅柱為漢之極界漢霍去病傳收休屠祭

天金人後漢班超傳班超被徵以戊巳校尉任尚為都護臣職任兩

超謂尚曰塞外吏士本非孝子順孫皆以罪過從補邊屯

江神馳九陛想北闕凱旋之日正南風解愠之時愧

臧旻之才遍數三十六國譯朱普之句敢增千百萬

言一曲饒歌聽策勳于太史兩階千羽願增喜於

龍顏臧旻見楊蓉策書後漢西南夷傳益州刺史梁國朱輔好立功名上

疏曰遠夷之語詞意難正臣訊其風俗譯其辭語并上其樂章帝嘉之輔下史官錄其歌馬東觀記

輔作輔今此作普即是一人

補注司馬法曰鐸聲不過琅失鉢見黃太保金川表後漢馬援傳

援于帝前聚米為山谷指畫形勢帝曰虜在吾目中矣五指見

尹太保 入閣序

為莊撫軍賀平伊里表

臣聞時不可失而知幾惟聖人功有非常而止戈惟王者歸邪星出國有降君騶虞獸來邊無烽警是以漢臣中西域而立幕府唐皇取松外而置縣官猶欲刻玉燕然鑄金青海况單極以外淳維之苗率土來歸無思不服求之邃古實所希聞

晉天文志歸邪星見必有歸國者 詩毛傳騶虞義

獸也白質黑文不食生物有至信之德則應之 漢書枚乘傳泰山之雷穿石單極之統斷幹 史記匈奴其先祖夏后氏之苗裔也曰淳維 謝眺侍宴詩

旁求邃古 邀聽鴻名 欽惟

皇帝陛下八紘靜塵十洲澄鏡久已填廬山于赤縣

擁狼望于黃圖惟準噶爾部落遠恃流沙荒驕大漠

表文箋正 卷十五 五

屢稽質子不供包茅 淮南子地形訓九州之外有八蠻八詘 唐藝文志有東方朔十洲記一卷 揚

雄諫不受置于朝書運府庫之財填廬山之壑而不悔也 注廬山匈奴中山 史記孟子列傳中國名曰赤縣神州 後漢西域傳陳忠上書曰黔首隕于狼

望之北財解糜于廬山之壑注狼望匈奴地名 隋經籍志黃圖 卷記三輔 官觀明堂辟雍郊時等事按擁狼望于黃圖填廬山于赤縣係庚信哀江南賦

中我語

聖祖萬乘親征掃蠓蝻之絕塞我

世宗五兵暫戢貸烏鼠之餘魂如後漢之與南夷七

擒七縱比延光之于西域三絕三通未嘗不以丹水

之師遠期伯禹崇墉之伐深望姬昌也 晉書慕容皝載記 皝率二萬出蠓蝻

塞長駟至于薊城 周禮夏官司兵掌五兵五盾各辨其物與其等以待軍事 文同詩封疆通鳥鼠種落雜猿狖 蜀志諸葛亮傳亮生得孟獲縱使更戰

七縱七擒獲曰公天威也南人不復反矣 後漢西域傳自建武至于延光西 域三絕三通 晉書符堅載記高辛有熊泉之役唐堯有丹水之師賈誼惜誓

涉丹水而馳騁考  
古大夏之遺風

今達爾札自嚙焦梨達瓦齊形同尸逐

牛羊不壯知突厥之將亡魚鼈無橋識東明之不渡

坐金牀以望太歲星拱中華祀艤靴而問大神巫誇

漢盛

北史魏孝武紀宣武帝明開語曰狐非狐貉非貉焦梨狗子齧斷索識者以為索謂本索髮焦梨狗子指宇文泰俗謂之黑獺也後漢南匈奴傳異姓大臣左右骨都侯次左右右逐骨都侯唐突厥傳貞觀元年帝曰突厥盛夏而霜五日並出三月連明赤氣滿野彼見災而不務德不畏天也遷徙無常六畜多死不用地也俗死則焚今葬皆起墓背父祖命媿鬼神也與突利不閉於相攻殘不和于親也有是四者將亡矣

蒙古夫餘東南走過大水深不可越朱蒙曰我是河伯外孫日之子也今有難而追兵且及如何得度於是魚鼈積而成橋朱蒙遂度南史西域傳其王坐金牀隨太歲轉長水疏西國風俗皆祀長命天神是以車

楞烏巴什與阿睦爾撒納等或舞天先至或嗅地旋

來當是時也五幡遺孽只用箠笞九塞旋風但需鞭

袁文箋正

卷十五

六

打倘杜崇拒單于之上表則安國必捲帳而自驚班

超還疏勒而先歸則黎弇以遠漢而自劉懷皇仁者

雖歌槃木議國事者爭棄珠厓

後漢書熹北十月祭天晝夜飲酒歌舞謂之舞天北齊斛律

金傳金性敦厚善騎射行兵用匈奴法望塵識馬步多少嗅地知軍度遠近漢書甘延壽傳建昭三年湯與延壽出西域部勒行陣前至郅支城都賴水上望見單于城上立五采幡幟呂氏春秋有始斲天下九塞井陘其一也後漢班超傳肅宗初即位下詔徵起超發還跡勒舉國憂恐其都尉黎弇曰漢使棄我我必復為龜茲所滅耳誠不忍見漢使去因以刀自剄後漢仲昂傳昂素懷慨好立功立事在職三年宣恩遠夷其白狼槃木唐苻叩契詰國舉種向化漢賈捐之傳初元元年珠厓又反捐之請遂棄珠厓專用恤關東為憂珠厓由是罷

聖上以為非常之原黎民所懼先幾之務惟斷乃成

在貞觀之拒康居雖云量力而建武之辭西域終少

雄圖

唐西域傳貞觀五年康遂請臣太宗曰朕思取虛名害百姓且康臣我緩急當同其憂師行萬里寧朕志耶卻不受舊唐書曰康國即漢康居

之國也。後漢西域傳建武二十一年冬車師前王鄯善馬耆等十八國俱遣子入侍獻其珍寶及得見皆流涕稽首願得都護天子以中國初定北邊未服皆選其侍子厚賞賜之。乃射菟竹以卜西羗推棋枰而決大策躡盾

一戰龍麗十重網設周陸軍歌鐵拔以党項為前導

故知吐谷之風沙假北韃為疑兵遂抵焉耆之巢穴

周道如砥漢將皆飛齊語輕罪贖以贖盾一戰揚雄長楊賦序以周為周隄北史齊本紀考明之時洛下以兩

拔相擊語言銅拔打鐵拔元家世將未好事者以二板為拓拔賀拔言俱將袁敗之兆棋枰見諸葛武侯碑唐西域傳党項羗在北折支之地漢西羗之

別種也貞觀三年舉部內附仍請率所部吐谷渾後漢班超傳永光六年

起遂發龜茲鄯善等國兵討焉耆焉耆王廣遣其左將北韃支奉牛酒迎超

賜而遣之廣乃與大人迎超于尉犁奉獻珍物焉耆國有葷楛之險廣乃絕橋

不欲令漢軍入國超更從他道厲度到焉耆史記李廣傳廣居右北平匈奴聞之號曰漢之飛將軍避之反首芟舍而奔者膚行如風繩行沙度而

來者視道若咫尺收黑山四百三之部落耀朔方十八

萬之旌旗雪嶺橫天上下搜而全無虜跡賢王伏地

左右視而都是陪臣築三受降城置五屬國府使漢

家長無比念信中國果有聖人數武庫之兵未遺一

矢計鬼方之克何有三年檄傳古莽而猶驚碑借崑

崙而尚小逸周書太子晉解遠人來觀視道如咫尺唐文宗紀戊戌振武李泳招收得黑山外契苾部落四百七十三帳漢匈奴傳天

子巡邊親至朔方勒兵十八萬騎以見武節唐張仁愿傳仁愿請乘虛取漠

北地於河北築三受降城絕虜南寇路劉歆議北降昆邪十萬之眾置五屬

國起朔方以奪其肥饒之地易震用伐鬼方三年有賞于大國列子周穆

王篇西極之南隅有國焉不知境界之所接名古養之國史記禹本紀言崑

崙高三千五百餘里日月所相避而光明也凡魚支之鞞婆駝之樂鼈封三目權

扶兩頭朱蒙為河伯外孫老胡號大荒樸父靡不分

頒將士布列郊圻圖王會于明堂坐舌人于門外

周書王會解伊尹受命爲四方令曰臣請正東符婁仇州伊慮滬深九夷十蠻越滬鬻文身請今以魚支之鞭爲獻通雅樂曲有婆陀力調按逸書王會解云區陽以鬻封鬻封者若鬻前後有首注曰區陽戎名又云權扶玉目注曰權扶南蠻也玉目玉之有光明者據此則兩頭當屬鬻封而三目乃玉目之說文未深考故所用皆誤北史高句麗其先出夫餘王常得河伯女閉於室爲日所照而孕生一卵有男破而出長而字之曰朱蒙其俗言善射也詳見上注

### 告廟慰

列祖在天之靈晉冊承歡加

聖母深宮之膳捷書夜至羣臣悟怯戰之非恩旨

朝頒天下以從軍爲樂臣伐吳定策既有愧于張華

平蔡刊碑又有慚于韓愈願譯歸義之章隄官隗構

表文箋正

卷十五

八

更歌奉聖之樂獨鶴琴騾庶申雀躍之忱聊補鏡歌

之闕

晉書張華傳初帝潛與羊祜謀伐吳而羣臣多以爲不可唯華贊成其計唐韓愈傳元和十二年淮蔡平愈隨度還朝以功授刑部侍郎仍

詔愈撰平淮西碑後漢西南夷傳祚都夷白狼王唐嚴等恭化歸義作詩三章其首句曰提官隗構譯云大漢是治唐禮樂志貞元中南詔異牟尋遣使詣劍南西川節度使章阜言欲獻夷中歌曲且令騾國進樂阜乃作南詔奉聖樂唐南蠻傳貞元中騾國獻曲名十有二一曰佛印騾云沒歇彌二曰讚婆羅花騾云隴莽第三曰白鶴騾云答都四曰白鶴游騾云蘇護底哩五曰鬪羊勝騾云來乃六曰龍首獨琴騾云彌思彌按此則獨鶴當是白鶴之誤而龍首獨琴四字斷句其下騾云二字爲句文云琴騾亦誤

為黃太保賀平大金川表

臣聞天地生成溫肅並行之謂道皇王敷化神武不殺之謂功德至聖則股肱之効力也神化極隆則宇宙之包容者大欽惟

皇帝陛下秉神機而理百度握金鏡以御四方震且

國中金輪光湧指南車上鐵轡痕消久已四海鶉居

八荒蛾伏

唐西域傳天竺國婆羅門地也貞觀十五年太宗降罽書慰問其王尸羅逸多驚問諸國人曰自古曾有摩訶震旦使人至吾

國乎皆曰未之有也乃膜拜而受詔書首楞嚴經彼金寶者明覺立堅故有

金輪保持國土宋書禮志指南車其始周公所作以遠荒外遠使其制設木

人于車上舉手指指南車雖回轉所指不移轉即善說文車軸頭也莊子天

地篇聖人鶉居而馭處李嶠文閭闔無犬吠之驚風俗有鶉居之暇揚雄長

揚賦皆稽顙樹額扶服蛾伏二十餘年矣

乃逆苗莎羅奔良爾吉等夜郎自大

表文箋正

卷十五

九

叩竹未供懷駒支漏洩之謀走曩翫蠶叢之路以為

湯升阨野巢伯可以不朝禹會塗山防風且將後至

史記西南夷列傳西南夸君長以什數夜郎最大滇王與漢使者言曰漢孰與我大及夜郎侯亦然以道不通故各自以為一州主不知漢廣大

大宛傳張騫曰臣在大夏時見叩竹杖蜀布問曰安得此大夏國人曰吾聞人往市之身

毒在傳襄公十四年戎子駒支此史史萬歲傳內寧夷曩翫降拜昆州刺

史既而復叛以萬歲為行軍總管擊之書序伊尹相湯伐桀升自阨傳曰阨

在河曲之南巢伯見漢書古今人表師古曰南方遠國武王克商而來朝周

書序巢伯來朝傳曰殷王諸侯國語仲尼曰昔禹致羣神于會稽之山防風

氏後至禹殺而戮之其骨節專車此為大矣史記夏本紀禹會諸侯塗山山

前有禹會村俗謂塗山在會稽

皇赫斯怒我武惟揚街亭撤馬謖之軍巴

蜀用崇文之將設金方一道從枕席行師聚米殿前

早見丸泥之狀借籌閩內預知沃雪之功蓋王者之

兵原不得已而後用非常之將亦秉成訓而始行

蜀志

諸葛亮傳亮使馬謖督諸軍在前與張郃戰于街亭謖違亮節度舉動失宜大為郃所破亮戮謖以謝衆 唐高崇文傳永貞元年劉闢阻兵宰相杜黃裳以為郃任崇文可以成功崇文西從閬中入遂却劍門之師歸梓潼之後因拜崇文為東川節度使 晉姚弋仲載記論弋仲越却劍門之師歸梓潼之圍因拜崇傳說隗囂將帥有土崩之勢兵進有必破之狀又于帝前聚米為山谷指畫形勢開示衆軍所從道徑昭然可曉帝曰虜在吾目中矣 東觀漢記隗囂將王元說囂背漢曰元請一丸泥爲大王東封函谷關 史記留侯世家良謁漢王漢王方食曰客有爲我計撓楚權者良曰臣請借前箸以籌之 沃雪見前伊表 則有經畧臣傳恒穆行忠衿義心清尚雷符星斗

光顏自有旌旗千櫓戈矛賀齊別爲文畫磨劍則崆

峒飛雪彎弓而太白揚眉 唐李光顏傳光顏敗元濟之衆三萬于

符仍書云速破城北軍 吳志賀齊傳齊性奢綺尤好軍事兵甲器械極爲精好所乘船雕刻丹鏤青蓋絳檐千櫓戈矛葩爪文畫弓弩矢箭咸取上材蒙衝門艦之屬望之若山 太平寰宇記崆峒山在岷州溢樂 金累爲之開

山黔巖爲之領路斬皇甫文之頭先除謀主超張須

表文箋正 卷十五

陔之柵多用竒兵 異苑吳孫皓時臨海得毛人山海經云山精如人而有毛此將山精也故抱朴子山之精形如小兒

而獨足足向後喜來犯人其名曰岐知而呼之即當自却又或如人長九尺衣裘戴笠名曰金累見之皆可呼其名 後漢寇恂傳高峻據高平畏誅堅守恂奉璽書至峻遣軍師皇甫文出調詞禮不屈恂怒遂斬之峻惶恐即日降諸將皆賀因曰敢問殺其使而降其城何也恂曰皇甫文峻之腹心其所取計者也今來詞氣不屈必無降心全之則文得其計殺之則峻亡其膽是以降耳 唐秦瓊復後通守張須陔擊賊盧明十餘萬須陔所統纜十之一叔寶等馳叩賊營門閉不得入乃升樓拔賊旗幟殺數十人營中大亂 一百尺井闌即斬闕納外兵縱火焚三十餘屯明月奔還須陔回擊大破之

射公孫樓上千羣火雉投姚襄陣中周訪之兩甄忽

鳴光弼之三麾至地山形拔而不假五丁之力天網

密而但求一面之開 魏志明帝紀將軍郝昭築陳倉城諸葛亮起雲梯衝車以臨城昭以火箭射其雲梯亮乃更爲

井闌百尺以射城中 後漢公孫瓚傳瓚曰兵法百樓不攻今吾樓千重食盡此數足知天下之事矣建安四年紹軍圍瓚瓚出戰紹大破之復還守紹爲地道突壞其樓注瓚告子續曰袁氏之攻似若神鬼鼓舞鳴于地中梯衝舞吾樓上 晉書江道傳殷浩令追擊姚襄迨曰吾當以計破之乃取數百雞以長繩

聯之繫火于足羣雞駭散飛集襄營襲營火發囚其亂隨而擊之襄遂敗  
晉書周訪傳賊帥杜曾銳氣甚盛訪使將軍李恒督左甄許朝督右甄訪自領  
中軍高張旗幟曾畏訪先攻左右甄訪令其眾曰一甄敗鳴三鼓兩甄敗鳴六  
鼓自旦至申兩甄皆敗訪親鳴鼓將士騰躍奔赴曾遂大潰 唐李光弼傳光  
弼令日爾等望吾旗而戰若麾旗緩任爾觀望便宜吾旗連擊三金則萬眾  
齊入生死以之少退者斬無捨 華陽國志望王作石牛五頭朝瀛金其後湯  
牛便金蜀人悅之乃遣五丁迎石牛牛唐元宗詩丹嶂五丁開 史記殷本紀湯  
出見野張網者四面祝曰自天下四方皆入吾網湯曰噫盡之矣乃去其三面  
曰欲左左欲右右不用命乃 正月初六日逆苗面縛詣大軍  
乞降當是時也雲捲天衡日生倍璠砂能表赤大書

北向之旗水尚知歸敢射南飛之鴈在諸將以為獸  
將入檻雖搖尾而法無可寬在 聖人以為鳥已含

環既投懷而情難盡殺益當日之興師也原非貪其  
土地人民而必置之于死故此日之受降也實不忍

袁文箋正 卷十五

其悔過服罪而姑宥之以生 謝宗可鴈陣詩冷聚圓沙盤地軸  
曉浮寒水落天衡 漢天文志衡

殷南斗注斗云中央也 漢天文志暈適背穴抱珥虫蜺注曰皆日旁氣凡氣  
在日上為冠為戴在旁直對為珥在旁如半環向日為抱向外為背有氣刺日  
為璣璣扶傷也 按倍與背同 舊唐書南蠻傳南詔異牟尋遣使致書韋韋各  
賈生金丹砂為寶以喻向北之意如金丹砂示其赤心耳 北史吐谷渾傳阿  
豺升西強山觀墊江源問於羣僚其長史曾知曰此水經仇池過晉壽出宕渠  
始號墊江至巴郡入江度黃陵入于海阿豺曰水尚知歸吾雖塞表小國而獨  
無所歸乎遣使通宋獻其方物 司馬遷報任少卿書猛虎處深山百獸震恐  
及其在罝檻之中搖尾而求食積威約之漸也 續齊諧記楊實年九歲至華  
陰山北見一黃雀為鷓鴣所搏墜樹下取以歸置巾箱中食黃花百餘日毛羽  
成乃飛去其夜有黃衣童子向實再拜曰我西王母使者君仁愛救拯實感成  
濟以白環四枚與實令君子孫 潔白位登三事當如此環矣 于是廷光城下馬燧披襟回紇

帳中子儀免胄歛徒虜至捧牢賞以趨踰穢人兒啼

擊蒙排而泣下 唐馬燧傳李懷光將徐廷光以兵六千守宮城禦備甚  
嚴燧乃挺身至城下呼廷光廷光素憚燧威名拜于城

上燧度廷光心已屈乃喻之曰奈何棄祖父之勳力背君上為族滅之計賊徒  
不應燧曰爾以我不誠今相去不遠數步爾當射我乃披襟示之廷光感泣俯

伏軍士亦泣下乃率眾出降 唐郭子儀傳迴紇吐蕃自涇州鳳翔數道寇京  
畿子儀率甲騎二千出沒于左右前後虜見而問曰此誰也曰郭令公也迴紇  
曰令公存乎子儀使諭之回紇曰令公誠存安得而見之子儀將出曰傳呼曰  
令公來虜初疑持滿注矢以待之子儀以數千騎徐出免虜而勞之曰安乎又  
同忠義何至于此迴紇皆捨兵下馬齊拜曰果吾父也 後漢南蠻傳渠帥曰  
精夫相呼曰狹徒 後漢應劭傳簡其精勇多其牢賞 逸周書王會解穰人  
前兒注穢韞穢東夷別種 詩蒙伐有苑傳曰蒙 倭錢實布爭貢包  
討羽也伐中干也南史朱超石設彭排疑即一物

茅渝舞巴歌長賡槃木赤眉得不死之詔南人無復

反之心火鼠窮郊留將軍畫像元蹄外境傳露布風

聲羣獠聽飲至之文吹蘆相告野老讀班師之詔鼓

缶而歌 後漢南蠻傳殺人者得以倭錢贖死又歲令大人輸布一疋小口  
二丈是謂賈布 後漢南蠻傳閩中有渝水其人多居水左右俗  
喜歌舞登高祖觀之曰此武王伐紂之歌也乃命樂人習之所謂巴渝舞也 槃  
木見前伊里表 後漢劉盆子傳樊崇等欲戰恐其眾與莽兵亂乃皆朱其眉  
以相識別號曰赤眉又曰赤眉忽遇大軍不知所為乃遣劉恭乞降曰盆子將  
有萬眾降陛下何以待之帝曰待汝以不死耳 南人見前伊里表 唐昭宗

表文箋正

卷十五

紀韋昭度議曰燭龍外野悉在梯航火鼠窮郊咸歸正朔 陸次雲尚溪織志  
蘆笙六管長有二尺蓋六律無六同者苗人每遇合節男子吹笙撞鼓婦隨男  
後婆娑進退舉手頓足疾 徐可觀名曰踏堂之舞 大凱來旋策勳告廟此皆我

祖宗在天靈爽暗靖妖氛我

聖母覆物仁慈挽回和氣故能有征無戰惟斷乃成

念切顯揚式崇 徽號宣仁家法安邊塞于宋朝太

姪徽音贊帑征於周伯輝生寶冊喜溢彤庭臣未列

銀刀空名節度願供金版上佐秋官羗女呵陵曾隸

韋臯之籍夷男始艾愧無仲郢之功遠百辟之班聯

心知舞蹈獻九天之春酒花滿江南 唐書徐州有銀刀軍  
周禮秋官職金旅于上

帝則共其金版饗諸侯亦如之 唐韋臯傳初東蠻地二千里勝兵常勝萬南  
向閩羅鳳西結吐蕃阻勢強弱為患臯能綏服之故戰有功於是羗女詞陵南

水白狗遁租弱水清遠咄霸八國酋長皆因鼻請入朝唐薛延陀傳貞觀二  
年葉護死其國亂乙失鉢孫曰表男率部帳七萬附頡利可汗後突厥衰表男  
反攻頡利弱之唐柳仲郢傳擢劍南節度使  
部內肅然不行法而自理在鎮五年美績流聞

表文箋正

卷十五

代江南紳士謝 萬壽恩科表

蓋聞聖人御世八荒在壽域之中王者掄才三物重  
賓興之禮是以姬王受命蒸髦士于岐陽漢帝祈年  
辟孝廉于郡國莫不丹魚在藻翠鳳含綏然而成周  
僻在方隅空聞宴鎬泰元增受神冊但說呼嵩未有  
際 兩聖之昌期靈臧並耀展九乾之文運汨作重  
書以八千歲為春秋將五百年得名世如今日者也

杜甫詩八荒開壽域一氣轉鴻鈞 周禮以鄉三物教萬民而賓興之 揚雄  
河東賦撫翠鳳之駕 漢武帝紀詔曰朕親登萬高御史乘舩在廟旁吏卒咸  
聞呼萬歲者三 集韻晟或書作賊說文明也正字通日光充盛也 書序帝  
釐下土方設居方別生分類作汨作 莊子逍遙游篇上古有大椿者以八千  
歲為春八千歲為秋 唐貞半千傳正義方曰五百年一  
賢足下當之矣因改名半千 孟子五百年必有名世者 欽惟

表文箋正 卷十五

十四

皇帝陛下如日之升慶六旬於今歲

皇太后陛下如天之福開九秩于明年凡橫目冒彫  
者靡不羣歌佛誕即巖居穴處者久已如登春臺矣  
乃

皇上聖德謙冲孝思維則一切有司奏行 恩賚為  
而不有統于所尊禮也 詔庚寅之年開甲乙之榜  
黃封頒下白首懽呼惟大孝以天下養親故慶典悉  
遵 懿旨惟聖人以人才治國故賢書首列 恩綸

澗採菁莪不羨蟠桃之色 廷收杞梓益增壽木之華  
以多士之絃歌代雲仙之羽奏以文昌之奎壁當貢

物之承筐玉載萬隻以非奢珠探九淵而愈耀枝枝

丹桂飄香于王母筵前戢戢龍魚跋浪于老人星下

莊子天地篇夫子無意于橫目之民乎 漢章帝紀沙漠之北葱嶺之西冒彫之類跋涉來獻 王充論衡上古巖穴居處衣禽獸之皮後世易以宮室有布帛之飾 老子衆人熙熙如登春臺 十洲記東海有山名度索山上有大桃樹蟠屈三千里曰蟠木杜甫詩吾衰同泛梗利涉想蟠桃 呂氏春秋本味篇菜之美者崑崙之蘋壽木之華 宋藝文志馮贛雲仙散錄一卷詞調有雲山引 陶潛荆軻詩羽奏壯士驚 穆天子傳辛卯天子北征東還癸巳至於羣玉之山於是載玉萬隻乃命待攻玉者 後漢禮儀志仲秋之月祀老人星于國都南郊老人廟晉天文志老人一星在弧南一曰南極

黃髮者艾之士莫不乘景運以同升方聞綴學之儒

亦各有喜色而相告臣等生隸江東忝居文苑或彫

纓擔爵世受 國恩或解綬懸車引恬鄉里捧 璽

書而感泣率門子以觀光祝軒鼎之長生齊呼萬歲

表文箋正

卷十五

十五

喜周官之大比不待三年所有感怍之忱謹以表謝

漢武帝紀詳延天下方聞之士咸薦諸朝注方道也聞博聞也 劉歆傳往者經學之士不思廢絕之闕 張充與王倫書彫纓天閣既謝廊廟之華綴組雲臺絕媿衣冠之秀 揚雄解嘲析人之珪儋人之爵懷人之符分人之祿 蔡邕陳仲弓碑遷聞喜長郡政有錯爭之不從即解綬去 漢書叙傳抑抑仲舒再相諸侯身修國治致任懸車 左傳襄公九年同盟于戲鄭服也將盟鄭六卿及其大夫門子皆從鄭伯注曰門子卿之嫡子 史記五帝本紀黃帝獲寶鼎迎日推測 周禮地官小司徒掌九比之數乃頒比法于六鄉之大夫及三年則大比又鄉大夫大比考其德行道藝而興賢者能者

擬乞假歸娶表

臣聞五算徵民嘉禮首隆胖合三清論職詞臣本屬  
閒曹故知納幣親迎卿士可以入告越境反馬春秋  
不譏曠官况乃宦在婚先妻因夫貴釋褐與結褵並  
賦花釵與爵弁齊明長源成婚北軍供帳敏中來婦  
金紫迎風凡文人未有之榮皆

聖代遭逢之盛

漢書孝惠紀六年令民得賣爵女子年十五以上至三十不嫁五算注漢律人出一算今使五算罪謫之也

禮記夫妻胖合也周禮媒氏注判半也得耦為合 靈寶本元經四人天外曰  
三清境玉清太清上清揚巨源詩丹鳳詞頭供二妙金鸞殿前直三清 春秋  
左宣公五年冬齊高固及子叔姬來傳曰反馬也注曰禮送女留其送馬諫不  
敢自安三月廟見遣使反馬 唐李泌傳初泌無妻不食肉帝乃賜光福里第  
強詔食肉為娶朔方故留後李暉  
甥婚日敕北軍供帳泌字長源

欽惟

袁文箋正

卷十五

十六

皇帝陛下兩儀合撰三皇如春秉龍德而山澤通吹  
鳳管而雌雄應雖上林鳴鳥無不帶露雙飛即太液  
游魚亦各銜恩逐隊固已民無怨曠草盡繁蕪

皇極經世三皇

春也五帝夏也三  
王秋也五伯冬也

臣西浙童牙寒門白望十二歲舉茂才

二十歲舉鴻博樂昏未擾即來觀國之光皇雅未歌

無暇房中之奏是以十年不字三族無虞藉瑟琴平

學道之心懼兒女累風雲之氣雉朝飛而有曲雁宵

奠以無聲

崔駰達旨唐且華顛而悟秦甘羅童子而報趙 周禮遂人以  
樂昏擾配注勸其昏媾如媒氏會男女也 梁雅樂歌皇帝出

入奏皇雅取詩皇矣上帝臨下有赫也 韓愈雉朝飛操序牧犢  
子七十無妻見雉雙飛感而作之 禮記揖讓升堂再拜奠薦

茲蒙

皇上聖恩選臣為翰林授臣為吉士才非李白登七

寶華林學愧康成註三商昏義采蘋采藻方陳太史  
之詩一陰一陽未卜家人之卦因五夜之待漏驚三  
星之在天愧六禮之行遲感九重之恩早賜面藥口  
脂于漢臘男子受之而不芳考襖衣褌翟于周官鯁  
生讀之而有羨蓬山風冷東觀宵長簪筆則金粉飄  
零早朝而衣裳顛倒偶然割肉無可相遺即賜沐浴  
不願居外青綾被好孤熏郎署之香黃紙緘封虛貯  
孺人之號仙侶疑其命隻中涓笑作童真如臣者想

亦媒氏所平章相公所調燮者歟

李陽水李白集序天寶中召就金馬降輦步迎如見

素文箋正 卷十五

十七

面藥 周禮天官司服掌王后之六服褱衣褌狄 漢書東方朔傳伏日詔賜從官肉太官丞日晏不來朔獨拔劍剖肉云伏日當早歸即懷肉去太官奏之朔免冠謝上曰先生起自責朔再拜曰受賜不待詔何無禮也拔劍剖肉壹何壯也割之不多又何廉也歸遺細君又何仁也 漢書佞幸傳董賢性柔便辟善為媚以自固每賜洗沐不肯出嘗留中 楞嚴經月光童子白佛言今於如來得童真名 周禮地官媒氏掌萬民之判 太平廣記天寶中范陽盧子夢謂其從姑姑訪盧未婚曰吾有外甥女姓鄭甚有容質當為兒平章 今乃故鄉冰泮下達書來或盼遊子以倚閭或布几筵而筮日鄰夸衣錦畫可還

鄉兒饜君羹歸當貽母承筐無實已歸妹之愆期有  
女懷春非吉士其誰誘而况單鳧寡鵠豈宜濫列鵷

行介特孤丁未敢纂修吉禮

儀禮士昏禮下達納采用注先使媒氏下通其言 戰國策王孫賈

母曰汝朝出而晚來則吾倚門而望暮出而不還則吾倚閭而望 禮記古者冠禮筮日筮實 左傳隱公元年賴考叔曰小人有母皆嘗小人之食矣未嘗君之羹請以遺之 梁簡文帝有詠單鳧詩 白居易詩暗鏡對孤鸞哀絃留寡鵠 左傳昭十四年楚子使然丹簡上國之兵于崇邱養老疾收介特 晉

王敦傳車下在  
軍皆遣歸家 伏求

皇上賜臣歸田之假成臣合蚤之榮雙鳳闕前許借  
飛龍之廐三神山下降回弱水之船取清俸以陪門  
五兩不過率陰臣而拜闕九十其儀將見燭撒金蓮

光來天上袍披蜀襪香到人間史筆催妝銀管耀青

廬之色天錢撒帳女牀聽鸞鳥之鳴

玉海武后萬歲通天元年置仗內六闕一曰飛

龍二曰祥麟三曰鳳苑四曰鸞鷲五曰吉良六曰六羣亦號六廐 史記封禪

書三神山在渤海中去人不遠患且至則船風引而去 唐高倫傳高宗詔三

品以上納幣不得過三百匹四品五品二百六品七品百悉為歸裝夫氏禁受

陪門財 周禮媒氏凡嫁子娶妻入幣純帛無過五兩 後漢楊厚傳厚言陰

帝近戚妃黨嘗受獨注陰私也 唐令狐綯傳綯為翰林承旨夜對禁中燭盡

妃從綬方寢帝以妃蜀襪袍覆而去 酉陽雜俎北方昏禮用青布幔為屋謂

之青廬於此交拜行禮 山海經女床之山有鳥焉其狀如翟而五彩文名曰

表文箋正 卷十五 十八

鸞鳥見則 天下安寧

當天下有道之時我蔽子佩趁父母俱存之

日男唯女俞明年春水生時屈指微臣來日步八磚

而即至不敢迷花歌昧旦以趨朝同聽警枕

古詩天下有道我蔽

子佩天下無道我負子戴 禮記內則子能食食教以右手能言男唯女俞 唐

書李程傳學士入署常視日影為候程性懶日過八磚乃至時號八磚學士

吳越備史錢鏐武肅王在軍未嘗睡未 年用圓木作枕熟睡則敬名曰警枕

表文箋正卷十六

錢唐表枚著

館後學石韞玉箋

為黃太保賀經略傅公平大金川啓

蓋聞射鵬無力難彎青海之弓洗甲有心誰挽銀河之手福不宏者不足以成大事量不遠者不可以語武功故韋臯度鐵嶺而南番降馬隆到涼州而樹機破叔敖甘寢秉羽而郢人息兵唐叔搏兕徒林而太甲靖亂大抵功因將立臣為主生飛龍服皂于黃靈

赤文候日子堯屋

史記李將軍列傳天子使中貴人從廣勅習兵擊匈奴中貴人將騎數十縱見匈奴三人與戰三人

還射傷中貴人殺其騎且盡中貴人走廣廣曰是必射鵬者也此史吐谷渾傳青海周回千餘里杜甫詩青海無傳箭天山有挂弓杜甫詩安得壯士挽

表文箋正

卷十六

一

天河淨洗甲兵長不用唐南蠻傳韋臯言臯卒尋收鐵橋已來城壘二十六擒其王五人降其眾十餘萬以祠部郎中兼御史中丞袁滋持節冊南詔按此鐵嶺當作鐵橋晉書馬隆傳初涼州刺史楊欣失堯戎之和隆陳其必敗俄而欣為虜所沒河西晉絕帝臨朝而歎曰誰能為討此虜通涼州者乎隆進曰陛下若能任臣臣能平之乃以隆為武威太守隆到武威前後誅殺及降附者以萬計又率善戎沒能等與樹機能大戰斬之涼州遂平莊子徐無鬼篇孫叔敖甘寢秉羽而郢人拔兵徒林見吳桓王文張說龍右監牧頌德碑飛黃皂兮昆蹄苑漢郊祀志中央帝黃靈后土顏延之赭白馬賦后唐曆錄赤文

候日 恭惟經略忠勇公閣下識窮兩戒學通四夷蕭

皇上以金川不順前帥無功命亞夫代灞上之軍假

王導以安東之節當是時天子有憂邊之色三軍

無報捷之書公以鄧禹之英年抱終軍之逸氣加柱

天都部領百保鮮卑屢及室皇謂普師之始梟鳴牙

上下取賊之功

唐天文志一行以為天下山河之象存乎兩戒北戒限戎狄南戒限蠻夷左傳昭公二十三年沈尹戌曰古

者天子守在四夷文選王文憲集序注春秋佐助期曰漢朝蕭何昂星之精也張衡天象賦天江為太陰之主傳說秦中閩之祠史記絳侯昂星文

曰霸王棘門軍若兒戲耳其將固可襲而虜也吾為安東柱節假之後漢齊王顯

導傳王敦之反詔曰導以大義滅親可以為勞為安東柱節假之後漢齊王顯

傳伯升自發春陵子弟合七八千人部署賓客自稱柱天都部隋食貨志文

宣受禪多所創革六坊之內徙者更加簡練每一人必當百人任其臨陣必死

然後取之謂之百保鮮卑左傳宣公十四年楚子使申舟聘于齊宋人殺之

楚子聞之投袂而起屨及於室皇劔及于寢門之外車及于蒲胥之市注室皇

寢門闕也晉書張重華傳以謝艾為中堅將軍出擊麻秋夜有二梟鳴

于牙中艾曰六博得梟者勝今梟鳴牙中克敵之兆于是進戰大破之爾

乃躡鳥角過青岡渡桃關走天射馬難容足車不雙

行殷武伐荆蠻誰能窾入岳侯討楊太除是飛來公

造張綱之衝車破公孫之鐵檻製宣王之軟屐曳朱

泚之雲橋誘彼馬人搜其龍戶一鼓作氣三刻踰溝

其摧堅也如篲汜畫塗其奪寨也如決流抑隊我御

未為鵝鸛彼軍將化蟲沙人方疑荀彘之取偃陽何

其難而魏舒之降鼓子何其易也

烏角青岡桃關天射皆地名五代史康福傳福拜

河西軍節度使至青岡峽遇雪水經注江水歷都安縣縣有桃關李水作大堰

于此詩窾入其阻宋史岳飛傳飛除荆湖南比襄陽路其言置招捕楊公

八日而賊平初賊恃其險曰欲犯我者除是飛來至是襄陽以其言置招捕楊公

臨軍衝車也後漢公孫述傳述造十餘赤樓蘭船注蓋以帛飾其輪檻也

晉書宣帝紀懿使軍士三千人著軟村屐前行然後馬步俱進唐渾瑊傳朱

此圍城大修攻具以僧法堅為匠師造雲橋成圍數十丈城端知雲橋來路先

鑿地道深丈餘上積馬糞崇夜燒之平明火焰高於城壘賊徒至地道所橋脚

偏陷不能進須臾風迴烟轉雲橋焚為灰燼唐南蠻傳環王本林邑也其南

有西屠夷馬援還留不去者皆姓馬俗以其寓故號馬留人韓愈送鄭尚書

赴南海詩衙時龍戶集上日馬人來左傳莊公十年司馬子魚曰一鼓作氣

再而衰三而竭左傳哀公十一年師不踰溝澹遲曰非不能也不信子也請

三刻而論之王褒聖主得賢臣頌忽若篲汜畫塗注若以篲掃于泥洒之處

漢貢禹傳陶冶萬物化正天下易於決流抑隊注決欲流之水抑將隊之物

言其便易左傳昭公二十一年鄭翩願為鶴其御願為鵝按鵝鸛皆陣名

抱朴子周穆王南征三軍之士一朝盡化君子為猿為鶴小人為虫為沙左傳襄公十年諸侯之師又於偃陽荀偃士句帥卒攻偃陽親受矢石甲午滅之

左傳昭公二十二年荀吳略東陽使師為穉者負不知黑龍噓氣甲以息于昔陽之門外遂襲鼓滅之以鼓子為鞮歸

代公之草檄方成飛鳶墮溪伏波之毒淫難受飲摩

訶之地汁拜井無靈啖頰上之弓絃量沙自壯而且

九折叱王尊之馭三更裹鄧艾之綿奉走卒以為師

謙能下士射酒樽而不動忠可忘身肉非黃羊不畏

汝刺金雖如粟豈入我懷非有動心忍性之功其能

有熙天耀日之烈乎後漢馬援傳援嘗謂官屬曰當吾在浪泊西里

點點墮水中後漢耿恭傳恭在疏勒於城中穿井十五丈不得水水士渴乏

竿馬糞汁而飲之恭乃整衣服向井再拜為吏士禱有頃水泉奔出南史檀

道濟與魏軍三十餘戰多捷軍至歷城以資運竭乃還士卒憂懼莫有固志道

濟夜鳴鑼量沙以所餘少米散其上魏軍謂實糧有餘故不復追漢王尊傳

表文箋正

卷十六

遷益州刺史先是瑯琊王陽為益州刺史行部至邛邛九折阪歎曰奉先人遺

體奈何數乘此險以病去及尊至其坂曰此非王陽所畏道耶叱其馭曰馭之

王陽為孝子王尊為忠臣魏志鄧艾傳艾自陰平道行無人之地七百餘里

山高谷深至為艱險艾以禮自裹推轉而下將士皆攀木緣崖魚貫而進史

記田單傳田單宣言曰神來下教我乃令城中人曰當有神人為我師有一卒

曰臣可以為師乎因反走田單乃起引還東鄉坐師事之後漢王霸傳霸討

周建蘇茂賊眾挑戰霸堅臥不出方饗士卒作倡樂茂兩射營中中霸前酒樽

安坐不動唐張說傳王峻誅降虜阿布吾九姓回羅拔野國等皆疑懼說持

節詣其部慰安之副使李憲以虜難信說曰吾肉非黃羊不畏其食血非野馬

不畏其刺後漢張奐傳遷屬國都尉羞豪遺馬與金奐曰使馬如羊不以入

廐使金如粟不以入懷宋崇熙天耀日

曹植七啓綠葉朱榮熙天耀日

正月朔六日金川酋詣大軍乞

降公稱 詔書許其不死于是雪霽降旗之上花迎

銜璧之人葉鑄多羅手牽玉象捧盤上表織錦陳詩

公即洞開重門雍容免胄釋蔡州之牙卒用孟獲之

軍人長楊賦提劍而叱之所過麾城搢邑下將降旗左傳僖公六年楚子

圍許許男面縛銜璧大夫練經士輿輓南史海南諸國傳毗騫王遣

扶南王純金五十人食器形如圓盤又加瓦壺名曰多羅北史倭國傳俗無  
俎藉以櫛葉食用手舖之唐李愬傳元和十一年用兵討蔡州吳元濟愬願  
于軍前自劾當獲賊將丁士良召入與語詞氣不撓愬異之因釋其縛置為捉  
生將蜀志諸葛亮傳注亮在南中間孟獲者為夷漢所服募生致之七縱七  
擒獲曰公天人也南人不復反矣遂項田不租十妻不算此秦  
至滇池南中平皆即其渠率而用之

王之誓言也我無爾詐爾無我虞此宋公之盟約也

界銅柱以千年定天山于三箭元旗返旆白馬還朝

荀羨二十之年威儀可想蔡茂三公之服士女爭看

解去兜鍪重含雞舌八戰八克為隴右所希聞七縱

七擒實南夷所心服昔劉方之征林邑殺象享軍萬

歲之渡蜻蛉仆碑應識以彼奇功方斯茂矣後漢南蠻傳秦時有

巴郡閬中夷人能作白竹之弩乃登樓射殺白虎昭王嘉之而以其夷人不敢  
加封乃刻石盟要復夷人項田不租十妻不算左傳宣公十五年宋及楚平

### 表文箋正 卷十六

四

盟曰我無爾詐爾無我虞漢馬援傳援到交趾立銅柱為漢之極界唐薛

仁貴傳九姓衆十餘萬令驍騎數千來挑戰仁貴發三矢輒殺三人於是虜氣  
懾皆降軍中歌曰將軍三箭定天山壯士長歌入漢關晉書荀勗傳殷浩以

羨在事有能名故居以重任時年二十八中興方伯未有如羨之少者後漢

蔡茂傳郭賀字喬卿拜荊州刺史有殊政百姓歌曰厥德仁明郭喬卿忠正朝  
廷上下平顯宗巡狩至南陽特見嗟歎賜以三公之服按此三公之服乃郭事

因附在茂傳故文誤用書惟甲冑起戎傳曰冑兜鍪也漢官儀尚書郎含

鷄舌香奏事後漢吳漢傳漢與公孫述戰于廣都成都之間入戰八瘡却平

其陣賊奔柵因攻破之北史史萬歲傳南寧夷擊說叛以萬歲為行軍總管

擊之入蜻蛉川經行數百里見諸葛亮紀功碑銘其天子禮頌異

數恩錫非常覆韋綬以蜀纈之袍賜房喬以黃銀之

帶金釵阿杜詔餉盤龍寶劍椎成署頌陳寵水晶鹽

好分崔浩以同甘鐘鼓聲希探李晟之安否唐書韋綬傳德宗時

綬為翰林學士帝常幸其院韋妃從會綬方寢時大寒以妃蜀襜袍覆而去

南史周盤龍傳上送金釵以二十枚與其愛妾杜氏手粉曰餉周公阿杜後

漢韓稜宗嘗賜諸尚書劍手署其名曰韓稜楚龍淵郢壽蜀漢文陳寵濟南  
推成 北史崔浩傳帝語至中夜賜浩醪酒十斛水晶戎鹽一兩曰朕味卿  
言若此醪酒故與卿同其味也 新唐書李晟傳晟與馬燧皆在朝每宴樂思  
賜使者相銜於道兩家日出無鐘鼓聲則金吾以聞少選使者至必曰今日何  
不舉 樂 其一官柴立萬里鳧趨寫孫歆慶捷之書慚無

健筆讀魏絳和戎之奏如接英風祝天上之貪狼年

年斂角願將軍之大樹歲歲開花 莊子達生篇仲尼曰無入而藏無出而陽柴立其中

央 王隱晉書杜預伐吳軍入樂鄉至都督孫歆帳下生將歆詣預王濬先列

得歆頭而預生遂歆洛中大笑李商隱詩軍令未聞誅馬謖授書惟是報孫歆

左傳襄公四年晉魏絳曰和戎有五利 史記天官書東有大星曰狼狼角

變色多盜賊孟暹詩光陰却屬貪狼星 後漢馮異傳異為人謙退不伐每所

止舍諸將並坐論功異常獨

屏樹下軍中號曰大樹將軍

袁文箋正

卷十六

五

代許方伯為高太恭人徵詩啓

夫印印者榛楛之臺奕奕者甘泉之畫不率大曼人  
仰徽章昭明有融門標綽楔此固興門之母範青史  
之女宗也然而三心五噶星小則光微寡鶴單鳧巢  
孤則室毀安得如幾如式有守有為如高母丁太恭  
人者乎

揚雄方言吳有館娃之宮秦有榛楛之臺 漢書外戚傳李夫人少而早卒上憐閔焉圖畫其形于甘泉宮又全日磬母圖甘泉

江總代六宮謝表恭誠莊肅和徽章 吳鼎芳詩煌煌樹綽徽觀建靈祠  
隋書列女傳吾聞哀門之女異門之男固不虛也 宋史后妃傳序杜后實生太祖太宗內助之賢母範之正有以開宋世之基業者焉 漢書藝文志有青史子五十七篇通雅曰新書載青史氏言就於萋室一則即胎教之文也 列女傳宋鮑蘇之妻不媾宋公表其閨曰女宗 三心五噶見趙太守啓 西京雜記齊人劉道強善彈琴能作寡鵲單鳧之手聽者皆悲 恭人

居齊女之門為吳娃之冠椒花作頌父著風華金井

袁文箋正 卷十六

六

微行從無亂步贈公磐石先生好麗有殷勤之意待  
年當婢變之期為戴香纓聘來夕室助遠氏之蓮誨  
師曹之琴揚衡但笑于房苛姸不聞于室茗華刻玉  
莫辨姬姜銀鹿弄兒儼如娣姒此非行修于女公子  
之時而誠格于君夫人之處者其孰能與于斯乎

吳越

春秋吳王為太子波聘齊女女少思齊閭閻乃起北門名曰望齊門 枚乘七

發使先施徵舒陽文段于吳娃聞姬婢子之徒雜裾垂髻目窳心與 晉書列

女傳劉臻妻陳氏元日獻椒花頌 晉謝晦傳謝混風華為江左第一 曹鄴

金井怨西風吹急景美人照金井不見面上花却恨井中影 韓詩外傳夫仁

者好偉和者好粉智者好彈有殷勤之意者好麗某是以知文王之標也 後

漢曹皇后紀曹操進三女憲節華為夫人聘以束帛立纁五萬匹小者待年于國 說文姪婦人汚也引漢律婢變不得侍朝 爾雅婦人之禮謂之纁注即今之香纓也 左傳莊公十九年楚子敗黃師于泜陵還及泜有疾卒鬻拳葬諸夕室注夕室地名 左傳昭公十一年泉邱人有女夢以其帷懷孟氏之廟遂奔僖子僖子使助遠氏之蓮注蓮副倅也 左傳襄公十四年初公有嬖妾

使師曹誨之琴師曹鞭之公怒鞭師曹三百續博物志揚雄謂揚眉曰揚衡爾雅釋詁苛蚡也竹書紀年桀伐岷山獻二女曰琬曰瑤桀刻其名于苕華之玉左傳成公九年雖有姬姜無弃蕉萃國史補顏魯公在蔡州再從姪規家僮銀鹿始終隨之漢書金日磾傳日磾子二人皆愛為帝弄兒爾雅釋親女子同出先生為姒後生為娣又長婦謂稚婦為娣婦稚婦謂長婦為姒婦左傳莊公三十二年零講于梁氏女公子觀之生觀

察六年贈公遠卒當是時也枚臯依母吳市萍浮陸

賈分家越裝星散二升鹽菜愁吾子之餐多千里靈

輻苦体夫之路遠元昆娟孟各自僻馳餘子公行半

皆呂鉅曾曾小子八襪衣單項項蕭辰三隅熈冷亡

著簪而欲哭坐萋室以無言古之人雖姜氏稱哀盛

姬姓痛方茲焚獨殆有同焉漢書枚乘傳臯子少孺父乘在梁時取臯母為小妾乘東歸臯母不肯隨乘乘怒分臯數千錢留與母居年十七工書梁共王得召為郎漢陸賈傳家有五男迺出使粵得橐中裝賣千金分其子子二百金為生產管子海

表文箋正 卷十六

王篇管子對曰海王之國謹正鹽筴十口之家十人食鹽百口之家百人食鹽

終日大男食鹽五升少半大女食鹽三升少半吾子食鹽二升少半注吾子小

男小女也說文輻農車通雅体浦本切輻車之夫曰体夫唐咸通十三年

葬同昌公主賜酒餅餠四十索馳以飲体夫蘇頌冥別駕兄弟宅詩始觀元

昆錫玉至旋聞季子佩刀刃博雅娟孟姊也淮南說山訓分流僻馳周

禮地官小司徒凡國之大事致民大故致餘子詩傳公行從公之行也莊

子列禦寇篇一命而呂鉅注呂鉅驕矜也或曰鉅與佗同許沖說文後序曾

曾小子劉孝標樂府曰襦襜雙心共一抹相腹兩邊作八環詩疏中莊于天地篇

曰項項然不自得殷仲文詩哲匠感蕭辰肅此源外軫詩疏中莊于堪郭璞

曰堪今之三隅竈也韓詩外傳曰孔子出此所處之野有婦人哭甚哀曰向

者刈著薪止吾著簪吾是以哀賈誼新書曰古者胎教之道王后有身之七

月而就寢室左傳文公十八年夫人姜氏歸于齊大歸也將行哭而過市市

人皆哭魯人謂之哀姜穆天子恭人乃倚竹忘寒如茶耐苦

諱跽庭誥蔽救楹書道此子也才可受折菱之教而

無父何怙空瞻槁木而趨杜詩天寒翠袖薄日暮倚修竹駱賓

文曰庭誥者施于閨門之內謂不遠也爾雅釋言號誹疏曰謂叫諱也叫

同晏子春秋晏子鑿楹納書以遺子左傳文公七年穆嬴抱太子以適趙

氏頓首于宣子曰先君奉此子而屬諸子曰此子也才吾受子之賜揚子方  
言慈母之怒子也雖折芟菅之其惠存焉說苑伯禽與康叔見周公三見而  
三管之二子乃問商子商子曰南山之陽有木名橋北山之陰有木名梓蓋往  
觀之二子往見橋高而仰梓卑而俯還告商子商子曰橋者父道梓者子道也  
文作稿誤

于是嚴細德之險微延經師以程督惡筭露紛  
長捐耀首之華象掃萑釵時映麻衣之雪煩攔私服  
縑手三盆經紀朝饗川梁一筍男錢女布共鹽豉以  
經營鄭絡秦箒雜書聲而上下卒能維婁侮甬真冷  
冲人放仗塔邊五百道小夫人之乳武功爵上一萬

戶大呼藥之官真足告皇碑于九泉慰威姑而一笑  
也已賈誼弔屈原賦見細德之險微兮掃增翻而去之袁宏漢記永平中  
崇尚儒學自皇太子及功臣子弟莫不受經置五經師漢書主父偃  
傳上自虞夏殷周罔不程督師古注程深也督視責也禮禮弓檮以為筭疏  
曰惡筭或用檮或檮儀禮士喪禮注髮異于髻髮有既去灑而以髮為大紒

去文箋正卷十六  
如令婦人露紛其象也秦嘉與婦徐淑書明鏡可以鑿形寶釵可以耀首  
詩薄掃所以摘髮也周禮冬官考工記鮑人進而握之注謂親手煩攔之阮  
孝緒字畧煩攔猶接抄詩薄汚我私疏曰薄欲攔攔我之私服漸濯我之襲衣

禮記夫人纁三盆手趙岐孟子注朝曰饗夕曰殮後漢卓茂傳凡人之生  
羣居雜處故有經紀禮義以相交接詩魚麗傳寡婦之笄也史記貨殖傳  
麴糶鹽豉千荅或作合器名也楚詞秦箒齊縷鄭綿絡些公羊昭二十五  
年傳且夫牛馬雜婁婁已者也而柔馬注繫馬曰維繫牛曰婁方言自關而

東陳魏宋楚之間保庸謂之甬秦晉之間人罵奴婢曰侮西域志曰毗舍利  
城之西北塔名放弓仗有國王小夫人生肉胎成父王本國恒水而下樓有國  
王見西聞看見千小兒王收養之長大勇健伐父王本國小夫人在樓上語

賊云汝是我子若不信張口仰向小夫人構乳作五百道俱墜于子口中賊知  
是母即放弓仗通雅漢武帝置武功爵北史盧同傳戶一萬以上郡守正  
六命又大呼藥六命禮記夫曰皇辟江賦培炭重燔  
吹烟九泉通雅婦稱姑為威姑說文引漢律婦告威姑

更可異者谷  
永餘責原有萬金張博負人竟無一報在凡情必挾

趙氏之孤索秦城之璧而恭人截髮置酒敷衽陳詞  
念先子之交情燒下手之空券遂使鄉傳市義而馮

驪稱高人爭報恩而宋清轉富可謂雌亭吹翫髀之

風女次洗金銀之氣者矣

漢書谷永傳為人起債分利受謝漢書淮陽王欽傳萬玉有外祖母舅張博

兄弟三人歲至其淮陽見親王賜之少博言負債數百萬願王為償趙世家景公固韓厥之眾以膏諸將而見趙孤名曰武藺相如傳相如謂秦王曰趙王齋戒五日使臣奉璧拜送書于庭晉書陶侃傳侃孤貧范滂常過侃其母乃截髮得雙鬢以易酒肴離騷馳數衽以陳詞兮歌吾既得此中正

南史顧覲之傳子緯私財甚豐鄉里士庶多負責覲之誘出文券一大厨悉令焚之戰國策馮煖曰今君所少者義耳臣竊為君市義柳宗元宋清傳

宋清長安西部藥市人也積券如山未嘗語取直其覲遺清者相屬于戶雖不能立報不害清之為富也

正韻驪子完切體體體後漢趙壹傳抗驪荷門邊注抗驪倖直之為富也

地鏡圖昔金之氣赤黃銀之氣夜正白杜甫詩不貪夜識金銀氣

觀察五命賜則一麾

出巡駐馬洪都塞帷白下凡十部宣風之雅化皆三

遷訓子之貽謀雖石養祠空有淚尚彈孝水而瀧岡

旂表無人不仰慈雲

周禮大宗伯以九儀之命正邦國之位壹命受職再命受服三命受位四命受器五命賜則六

表文箋正

卷十六

九

命賜官七命賜官八命作牧九命作伯

顏延年五君詠鷹鷹不入官一麾乃出守王勃滕王閣序南昌故郡洪都新府唐書地理志武德九年更金陵曰白下後漢賈琮

傳琮為冀州傳車乘赤帷裳琮曰刺史當遠視廣聽糾察美惡何垂帷裳以自掩與命

塞之晉書劉弘傳遷荊州刺史每有興廢于書事相丁寧款密莫不感悅咸曰得劉

公一紙書賢于十部從事趙岐孟子題詞孟子生有淑質幼被慈母三遷之教列女傳

孟女舍近甚孟子少嬉遊基間乃去舍市傍其嬉戲乃賈人之街賣之事後從舍

學官之侈其嬉戲乃設俎豆揖遜母曰此真可以居吾子矣遂居焉潘岳西征賦灑孝水而濯纓嘉美名之在茲注字林曰孝水在河南郡鄆元曰在河南城西十餘里歐陽修有瀧岡旂表

某官共南畿姻聯家督飲

聞穆行敢闕微言占鵲序以先行喜鳳毛之蔚起當年平視識周家絡秀之賢此日欽遲拜魯國成風之

廟

越世家家有長子曰家督沈約內典序高心穆行分路同趨書子旦已受人之薇言咸告孺子王矣南史謝超宗傳殷淑儀卒超宗作謀奏

之帝大嗟賞謂謝莊曰超宗殊有鳳雛志劉禎傳注太子酒酣王歡命夫人甄氏出拜眾人咸伏而禎獨平視晉書列女傳周顯太子字綏秀顯父

淡常獵遇雨止綏秀之家絡秀為具饌因求為妾由是李氏遂得為字雅之族左氏注成風壯公之妾信公之母也信公八年七月禘于太廟用致夫人胡

傳夫人者 伏願方聞之士弇雅之才各振霜毫大書金

管斫湘江舜竹雲委千行探龍威禹書文成三筴庶

幾旃檀香遠因風力之吹揚玉女峯高得奎光之照

耀補周官陰禮憲于王宮並張華女箴垂為內則漢

武帝紀詳延天下方聞之士咸薦諸朝 晉書陸玩傳玩字士瑤器量弇雅弱

冠有美名 虞世南白鹿賦素毳呈采霜毫應圖 北夢瑣言梁元帝為湘東

王時筆有三品忠孝全者用金管書之德行用銀管文章用斑管 博物志堯

之二女舜之妃曰湘夫人舜崩二妃居北上包山入靈墟乃入洞庭竊禹書

童謠吳王出遊觀震湖龍威丈人山隱居北上包山入靈墟乃入洞庭竊禹書

渥翠經如旃檀林純以旃檀而為圍繞 詩含神霧華山上有明星玉女手

執玉漿 周禮內宰以陰禮教六宮九嬪注陰禮婦人之禮也 周

禮天官小宰掌治王宮之政令 晉紀張華懼后族之盛作文史箴

補注 周禮司市流漢時下

手書若今畫指券

袁文箋正 卷十六

重修錢武肅王廟記

代杭州李太守作

乾隆五十七年亨特承乏紹興敬修東府錢武肅王廟將王子孫文穆忠懿諸王像配我 聖朝敕封賜祭諸大典都已詳載矣今年守杭州是王發祥之地而祠廟頽侵日光穿漏尤非所以宣 國恩慰民望也謹葺治宏整而為文以記

韓愈文雲陰解 駭日光穿漏

曰惟王抱囊

括八荒之志退守方隅以保障兩越之功恩留桑梓金虎嘯而風颺動玉虹起而雲霧消州領十三世傳

一子南夫也楚圍君哉然當其時十日並出不見太陽八王興兵誑為共主外多銅馬大槍之寇內有

袁文箋正

卷十六

十一

貫高蒯徹之謀王雖崛起臨安收功宣歙而車無兩廣田少一成其何以整頓山河創垂基業也哉迹其始未有不可及者七焉

賈誼過秦論秦孝公有席卷天下包舉宇內囊括四海之意并吞八荒之心 呂溫

凌烟閣功臣贊蘇公崢嶸金虎之精應時而生與運俱行 搜神記孔子修春秋製孝經既成齋戒向北辰而拜告備于天忽有赤虹自上而下化為黃玉

舊五代史錢鏐本傳鏐所部止一十三州而已 左傳昭公元年鄭徐吾犯之妹美公孫楚聘之矣公孫黑又使強委禽焉曰子皆信美矣柳子南夫也適子南氏 左傳昭公元年楚公子圍設服離衛叔孫穆子曰楚公子美矣君哉

注設君服二人執戈陳于前以自衛離陳也按文以圍作圍誤 淮南子堯時十日並出草木枯焦命羿仰射十日中午其九鳥皆死 晉書文六王傳齊王以

兩獻之親宏二南之化道光雅俗望重台衡若使天假之年久釐邦政何八王之致力爭哉 銅馬見羅漢門縣志 後漢耿弇傳弇與兵漢悉發幽州兵

從光武追尤來大槍五幡于元氏 史記張耳傳高祖從平城過趙趙王禮甚卑高祖策器晉甚慢易之趙相貫高等怒上從東垣還過趙貫高等壁入柏人

要之置上心動不宿而去 淮陰侯傳齊人蒯通說韓信曰僕嘗受相人之術相君之面不過封侯相君之背貴乃不可言按蒯通本名蒯徹避武帝諱故史

作通 左傳僖公二十八年子玉使伯棼請戰王怒少與之師惟西廣東宮與若敖之六卒從之注楚有左右廣疏云蓋兵車之名 左傳哀公元年后緡生少康虞思妻之以二姚而邑 諸綸有田一成有衆一旅 王除夕鼓琴戒酣長夜深宮易帳

費省青繒警枕橫陳耳觸銅丸之響包山板築身甘運甓之勞能作詩歌斥爲餘事善畫墨竹不以示人

知天步之艱難勉耄期之不倦其勤儉有如此者 吳越

備史武肅王夫人嘗以王寢帳毀裂造青練帳將易之王曰作法于儉猶恐爲奢卒不用 吳越備史錢鏐在軍中未嘗睡末年用圓木作枕軟睡則鼓名聲爲枕 漢史丹傳元帝留好音樂或置擊鼓殿下自臨軒檻上噴銅丸擗鼓聲中嚴鼓之節 吳越備史武肅親筆胥山祠禱之 晉陶侃傳侃在州無事輒朝運百甕于齋外暮運于齋內人問其故曰吾方致力中原過爾優逸恐不堪事 韓愈詩餘事作詩人 王神勇超羣當

機立斷或入海而擒徐約或捲袖以斬漢宏或假八

百以誅黃巢或擁兩藩而備行密弓張強弩江潮避

表文箋正 卷十六 十一

威文祭靈山海神借地絕域之蠻王受冊羅平之妖

鳥藏聲至今百會亭高竒謀可想三峯石立羅刹猶

驚其雄畧有如此者 五代吳越世家淮南大亂六合鎮將徐約攻取

吳越世家越州觀察使劉漢宏與董昌有隙遣兵屯西陵鏐率八都兵渡江竊敵軍統所其營漢宏易服遁遂攻破越州漢宏走而賊兵多宜州刺史送于鏐斬于會稽 吳越世家黃巢攻掠浙東鏐曰鎮兵少而賊兵多宜出奇兵邀之乃與勁卒二千人伏山谷中射殺其將乃引兵趨八百里八百里地名也告道旁媪曰後有問者告曰臨安兵屯八百里巢聞媪語曰向十餘卒不可敵况八百里乎遂急引兵過 北夢瑣言杭州連歲潮頭直打羅刹石吳越錢尚父俾張弓弩候潮至逆而射之由是漸退羅刹石化爲陸地 吳越備史武肅將葉擇海塘親至西山祠禱之函詩一章置海門云傳語龍王并水府錢塘借與築錢城既而塘頭遂趨西陵 吳越世家鏐遣使冊新羅渤海王海中諸國皆封拜其君長 吳越世家越州董昌反牙將倪德儒謂昌曰曩時誣言有羅平島主越人禍福昌乃自稱皇帝國號羅平 吳越備史武肅王建亭于虛白堂之基曰八會亭以平吳定越講武計議凡八會于此也按此誤入作百 羅刹見

上江 王館號招賢殿名握髮四方之士連袂來歸一

技之能芻蕘必采沈崧誇兩度月宮之到羅隱比千  
年河水之清胡岳面有銀光驚呼奇士何逢陣留戰  
馬悲憶將軍較之鑿齒依桓宣武於襄陽管寧投公  
孫度於海外事相仿也禮更隆焉其用賢有如此者  
唐審邦傳邦為泉州刺史檢校司徒喜儒術公卿多來依之遣子延彬作招賢  
館以禮之陳基簡鄭山人詩廣文方策招賢館肯使先生老一經按吳越世家  
元瓘好儒學使其國相沈崧置擇能館選吳中文士錄用之故以相比 順存  
錄武肅王于宮中建握髮殿取周公吐哺握髮意 五代詩話羅隱聚疾王親  
臨撫問題其壁云黃河信有 澄清日後代應難繼此才 王除苛解燒捍災恤患才頒春服

又與冬衣既建石塘還加竹籬田撈葑草通水利於  
五湖風送珠船富南琛於四鎮聞譎諫而魚租遽捐  
於使宅祀蟲天而飛蝗盡墜於江中禱寶石之山祝

表文箋正 卷十六

羅城之水以老夫之灌灌作赤子之扶扶世方蹠血  
以事干戈我且閉關而修蠶織漢番君惟効忠於主  
徐偃王不忍鬪其民其惠下有如此者 晉公談錄武肅時  
有雜役兵士題壁

云沒了期沒了期營基纜了又倉基王續書云沒了期沒了期春衣纜了又冬  
衣卒伍見之怡然力役不復怨咨 籍音峽竹筍也 十國春秋武肅王時西  
湖日納魚數斤號使宅魚會王召羅隱題磻溪垂釣圖隱寓意云呂望當年展  
壯謨釣釣國更何如若教生在西湖上也是須供使宅魚王遠調其征 莊  
子庖彘楚篇惟虫能虫惟虫能天 太元經赤子扶扶元貞有終 漢吳芮傳  
吳芮秦時番陽令也甚得江湖間民心號曰番君注番音蒲何反贊曰吳芮之  
起不失正道故能傳號五世著於甲令而稱忠也 後漢東夷傳穆王得驥驥  
之乘乃使造父御以告楚令伐徐一日而至于楚文王大舉兵而滅之偃王  
不忍鬪其人 故致于敗 王蓋世英雄依然本色少年負販不惱椰榆

拜老嫗於車前聽喚婆留富貴唱吳音於酒所教聽  
內苑宮商石鏡重看王者之冕旒真矣金尊分散滿

村之父老醺然厚待故人那有夥涉沉沉之歎矜憐  
妃子笑唱花開緩緩之歌樹披錦以生花劍倚天而

吐氣其豪宕有如此者

吳越備史武肅王錢鏐初誕時紅光滿室  
皇考怪之將棄于井祖妣知非常人固不

許固小字曰婆留湘山野錄鏐爲吳越王省壘壘延故老有隣媪九十餘攜壺  
漿角黍迎于道鏐下車亟拜媪撫其背猶以小字呼之曰錢婆留喜汝長成

吳興記臨安縣有石鏡一所徑二尺四寸光照如鏡錢鏐幼時照其形服冕疏  
如王者狀 五代詩話梁封錢鏐爲吳越王爲牛酒大陳鄉飲凡八十以上金

尊百歲以上玉尊 史記陳涉傳故人嘗與傭耕者扣宮門見沈沈入宮見殿屋  
帷帳曰夥願涉之爲王沈沈者楚人謂多爲夥故天下傳之注沈沈宮室深遠

之貌願助聲之詞 蘇軾詩游女長歌緩緩歸自注云吳越王妃春遊王遺書  
曰陌上花開可緩緩歸矣吳人用其語爲歌 吳越世家鏐遊衣錦城宴故老

山林皆覆以錦號其幼所 嘗戲大木曰衣錦將軍 王生有紅光空聞甲馬幼能指羣

兒爲隊伍老猶決勝負如神明練樓船則甲滿五千

畜海馬則廐盈三萬假使大人虎變尚父鷹揚誓蒼

表文箋正

卷十六

十四

兕以定中原按黃圖而取天下作翼漢尊周之舉必

梟雄斬勦而還上可繼創業之少康下可作專征之

西伯而王乃守老聃之知足學子產之惠人不填西

湖以待真主偶得國璽便獻中朝雖風雲進取非無

庾亮之才而根本深謀自愛桓冲之計稱臣納質虛

而與之委蛇近交遠攻坐以觀其成敗惟承順得四

境之安乃專斷行一王之制其識量有如此者

吳越世  
家錢幼

時與羣兒戲木下鏐坐大石指揮羣兒爲隊伍號令頗有法羣兒皆憚之 梟  
雄斬勦謂李雄石勒 十國春秋武肅時有術者告曰王如廣牙城改舊爲新

有國止及百年若填築西湖以爲公府當十倍于此武肅笑曰豈有千年而無  
真主者乎有國百年吾願也即於治所稍增廣之及忠懿歸宋計三世五王總

凡九十八年 晉庾亮傳亮字元規明穆皇后之兄 王家有賢嗣門無  
也 晉桓冲傳冲字幼子温諸弟中最濟識有武幹

雜賓孔粹孔愉聞詩聞禮衛青三子襁褓皆疾神慶  
一林象笏皆滿夢綵繩之圍宅兆徵奕世簪纓張燈  
山以對門尤見天家恩寵魯無篡弒故稱秉禮之邦  
周有遺民尚愛甘棠之樹以小事大本子輿氏之名  
言納土如歸得忠懿王之繼志較之南唐兩姓便唱  
檀來西蜀十年遽呼孟入馬氏之衆駒棧闕歸家之

九龍帳空判若天淵誰為妍醜其家法有如此者

采繩

圍宅見紅豆村人序 忠懿王錢俶太平興國三年舉族歸于京師國除五代史楚世家馬希萼悉以軍政任其弟希崇希崇與舊將徐威等謀作亂希萼置酒端陽門希崇辭以疾威等縱惡馬十餘匹以壯士執櫬隨之突入其府劫庫兵縛希萼立希崇李景遵邊鐫入禁盡還馬氏之族于金陵

嗟乎五朝泡影國祚幾時十國沙蟲音塵若夢惟王壽享

表文箋正 卷十六 十五

喬松名高渤海石床奉佛銀鹿弄孫天寶紀元而當時不以為僭雞豚徵稅而至今猶諒其心三節還鄉而恩綸大沛二龍避道而晚節彌謙玉帶名馬所好

存焉鐵券金章榮施極矣然而漢帝還鄉魂猶戀沛

留侯封爵心尚思韓

容齋隨筆寶石山制書稱寶正六年崇化寺尊勝幢云時天寶四年歲次辛未衢州司馬墓志

云寶大二年八月歿然則吳越有天寶寶太寶正三名 吳越世家自鏐世常重歛其民以事奢僭下至雞魚卵殼必家至而日取 湘山野錄梁太祖封錢鏐為吳越王省登龍延故老為牛酒大陳鄉飲鏐起執爵於席自唱還鄉歌以娛賓曰三節還鄉兮挂錦衣吳越一王駟馬歸 吳越世家昭宗拜鏐鎮海鎮東軍節度使加檢校太尉中書令賜鐵券恕九死後唐莊宗賜鏐玉冊金印 吳越世家梁太祖嘗問吳越進奏吏曰錢鏐平生有所好乎吏曰好玉帶名馬太祖笑曰真英雄也乃以玉帶一匣打毬御馬十匹賜之 史記高祖本紀高祖還歸過沛留置酒沛宮悉召故人父老子弟縱酒謂沛父兄曰游子悲故鄉吾雖都關中萬歲後吾魂魄猶樂思沛 史記索隱 云留今屬彭城按良求封留以始見高祖于留故也

王生於臨水里

之鄉廟在表忠觀之側謹以某月日興工以某月日告竣較會稽棟梁尤加矜飾嗚呼丹青式煥何如鸞手之寫生袞冕端臨尚覩龍神之不睡讀蘇子瞻之文尚嫌其簡覽皮光業之碣又苦其繁

宋史理宗紀淳祐九年詔以官田三十

百畝給表忠觀旌錢氏功德蘇軾有表忠觀碑龍神不睡見警枕注十國春秋光業父日休有盛名光業十歲能屬文及長以所業謁武肅王與沈較林鼎同辟幕府按光業

有武肅王朝碑銘

乃為銘曰唐帝祚終大王風起武肅

桓桓天人來矣日角殊形星衡異體有能有為知己知彼能鬪不過得當便止地建勛州河開德水鐵亦知時鼓能記里亭淨斗牛田生仙米河東實融西涼張軌一樣忠純九重恩禮才大志小終身歡喜寵極

表文箋正

卷十六

十六

五朝澤流千禩

聖主南巡遣官致祭劄岬奉牲壇

非泰厲昭示來茲安行仁義世世子孫銜恩罔替

後漢

光武紀光武隆準日角注日角謂庭中骨起壯如日

楊炯碑文星衡入室月

准升堂

吳越世家光化元年改鏐鄉里曰廣義鄉勛貴里周禮秋官士師凡劄岬注覺禮之事用

牲毛者曰劄羽者曰岬

補注

吳越備史戊子夏六月大旱有蝗放日而飛王親祀于都會堂是夕大風蝗墮浙江而死

又范寧中有耕者得儻國蜀以獻于王

王謂非人臣所宜畜因獻莊宗

孔氏談苑京師上元放燈三夕錢氏納土進錢買兩夜今七十八是也

及知祥至人以爲先兆

白孔六帖閩王鑄命錦工作九龍帳吳越備史王巡向章有二龍負王彪之下翁元輒拽舟而進二龍自彪而升

代祝兩江節相渤海公七十壽序

蓋聞福者備也為大順之統名壽者酬也乃至德之  
協應在昔金提力牧之佐雄陶方回之臣靡不班序  
顛毛榮膺大耋者何哉良以麟鳴遊聖鳳和歸昌含  
元甲之耑應中黃之識中天景運生其間者算自長  
古帝耄期際其盛者道自合 朝廷雨露即臣子之  
丹砂也宰輔精神皆國家之元氣也則有赤霄冒頂  
素手擎天奢龍作東方之臣汝鳩司北門之會百神  
薦祉備九德以宮陰陽萬物棟通先八荒而開壽域  
者其惟我渤海相公乎

禮祭統福者備也備者百順之名也 春秋繁露壽者酬也壽有短長由養有得失

表文箋正 卷十六

羣輔錄伏義六佐金提王化俗 羣輔錄舜七友有雄陶方回 國語班序顛毛以為民紀 易日昃之離不  
鼓缶而歌則大耋之嗟 何法盛徵祥記麟壯鳴曰游聖北鳴曰歸和 說苑  
鳳巢鳴曰上翔集鳴曰歸昌飛鳴曰即都 宋書符瑞志周公旦與成王觀于  
河洛沈璧禮畢榮光並出幕河青雲浮至青龍陪壇銜元甲之圖吐之而去  
抱朴子黃帝適東岱而秦中黃入金谷而謔子心 後漢劉陶傳陛下年隆德  
茂中天稱號 本草經丹砂久服通神明不老 奢龍黃帝時人管子黃帝得  
之而辨于東方 書序伊尹去亳適夏既醜有夏復歸于亳入北門乃遇汝  
鳩汝方作汝鳩汝方 薛道衡隋高祖頌序二儀降福百靈荐祉 孔融文該  
百行之高善備九德之淑懿 漢書律歷志正月乾之九三萬物棟通族出於  
寅 說苑八荒之內有四海 杜

公以旌車之世族降河獄之

星精繡補經橈口成銘頌履絢冠鉢智極人天泗水  
分符海陽轉轂還知幽邑再守榆林既觀察於河西  
遂提刑於山左當是時也任延年少騎小駟以巡鄉  
羊續官清衣布袍而問俗夜無桴鼓合郡安眠路見

桑麻使君便笑但招竹馬呼童子之迎不事衙來希

長官之譽公之志桐鄉渤海皆可終身若無慕乎三

圭之為重侯九命之稱高爵也左傳宣公二年趙盾為旄車之族 文天祥正氣歌下則為河

岳上則為日星 揚雄答劉歆書雄作繡補靈節龍骨之銘詩三章成帝好之 後漢輿服志記曰知天者冠述知地者履約述冠名鉢當作述 後漢循吏 傳任延拜會稽都尉時年十九迎官驚其壯及到靜泊無為每時行縣輒使慰 勉孝子就食飯之 左傳僖公十五年晉侯乘小駟鄭入也 後漢羊續傳靈 帝欲以續為大尉令中使督禮錢續乃坐使人於單席舉縵袍以示之曰臣之 所宜唯斯而已 後郭漢侯傳侯行部到西河美稷有兒童數百各騎竹馬道 次迎拜 朱邑治桐鄉蠶遂治渤海 周 禮大宗伯公執桓圭侯執信圭伯執躬圭

然而虞廷三載已多明

試之功漢詔六條自有課最之舉臣如明月既鍊魄

于金門 帝有景風自吹來于天上遂乃戴雀弁握

牙璋擢屏藩兼少府東織西織進堯舜之衣裳寬鄉

表文箋正 卷十六 十八

狹鄉察楚吳之田賦理賑則澤鴻換色款闕則英蕩

宣風開府皖江軍民有喜色而相告宣防表浦蛟魚

聽號令而知歸著手成春無思不服 天子視公如

龍門之砥柱故命為制府而仍理河渠信公為南國

之甘棠故官拜平章而仍持旌節蓋公之遭際有得

之於天者焉公之操修有信之於己者焉後漢百官志刺 吏以六條問事

唐歷志曰君道也無拙魄之變月臣道也遠日益明近日益虧 雲笈七籤 金門之上日之通門也金門之內有金精鍊治之池故立春之節日更鍊魄于 金門之內耀其光于金門之外 爾雅四時和為通正謂之景風 玉海少府 有東織西織令丞 唐食貨志永華之田樹以所宜之木田多可以足其人者 為寬鄉少者為狹鄉狹鄉授田減寬鄉之半 詩鴻雁于飛集于中澤 周禮 地官節管金也 以英蕩輔之注謂以函器盛此節 北史吐谷渾王阿豺升西 強山觀墊江源曰水尚知歸吾獨無所歸 乎乃通使于宋 著手成春司空詩品語

今夫日行黃道豈免躔

度之訛星傍紫微尚有縮離之忒公乃半生赤紱總  
是恩光一路青雲從無跋爰執江南之壤莫不以珍  
怪爭長顧北河之夫錢翻以恢台見賞同斷獄也獨  
信臯蘇同薦人也不疑蕭葛陳便宜之疏朝乍上而  
夕行除科比之條奏未終而 詔下三山開府猶攝  
篆於荆襄一日登朝便叅謀於樞密祝

慈寧之萬壽領袖班聯賡栢梁之首章矢音丹陛長  
子唱鏡歌而返畫像凌烟少君歌鹿鳴而來策名京  
兆志寵則銘鐘未盡紀勛則列笏難書猗歟盛哉古  
之名臣未嘗有也

王延壽王孫賦玩蹶矐而跋爰注言形狀垂劣也  
書一二臣衛敢執壤奠 楚詞恢台孟夏 臯

表文箋正 卷十六 十九

蘇謂臯陶蘇公 杜佑戶口人丁論功規蕭葛道亞伊呂 玉海紹興十年奉  
上慈寧冊寶 三輔黃圖栢梁臺在長安城中帝嘗置酒其上詔羣臣和詩能  
士言詩者乃得上 長子謂文勳公書麟以軍 功畫像紫閣少子謂中丞廣厚以進士起家

如畏之忱屏魏其沾沾自喜之意耳鳴陰德坐薦謙  
衷脫帶常以腰舟過人不肯履影刺閨判事高柔常  
寢抱文書警枕傳聲蘇綽必手兼朱墨曾為牧令能  
鉞劄苛煩肯采葑菲自張施帖妥置札僑于賓位辟  
召英賢畜廉藺于屏風協和寅好百僚禮絕偏折節  
於儒生一品集成尚傾心於文史四時無燕居之樂  
終朝吹露冕之風乘馬三年不知牝牡封侯數日忘  
告妻孥惟其秉負也誠故其感應也速不知者以為

隔爐獨對李鄴侯結主之緣深其知者以為昏夜焚

香趙清獻格天之道大

北史李士謙傳士謙曰陰德其猶耳鳴已獨知之人無知者

每事必為過防故時人云蔡公過浮航脫帶腰舟劉因平昔詩履影無傷猶

不忍吹蓋雖誤亦當然南史陳文帝紀文帝起自布衣知百姓疾苦一夜內

刺聞取外事分判者前後相續魏志高柔傳注柔夙夜匪懈至擁膝抱文書

而寢太祖夜出見而哀之徐解裘覆柔而去吳越備史錢鏐在軍未嘗睡用

圓木作枕熟睡則歎名警枕北史蘇綽傳綽始制文案程式未出入及計

帳戶籍之法錄音孤劄音洛別也漢文帝紀漢興除秦煩苛約法令施德

惠戶籍自安韓愈元和聖德詩瞻肩騰竿圓增帖妥何氏語林趙郊卿先

自為壽藏國李札子產嬰叔向四徵居賓位圖己像居上位李德裕會昌

一品集二十卷諸葛亮教書孫叔敖乘馬三年不

知牝牡稱其賢也封侯見蔣文恪公碑顧雍注

歲逢冬仲壽屆

古稀天子以正月十二日為公豫慶於京師禮也

臣思述職上計吏之封章朕欲見卿催鋒車於日下

羹調天臘春滿梅花節近上元燈排火樹卿雲與佛

表文箋正卷十六

雲一色文露與武露齊濃帝席星明大庖早具湯丞

官肅上頓方酣九曲明珠穿盡禕衣之婦萬釘寶帶

頒來俠御之臣帽結紅絨似黃人之捧日裘飄狐腋

耐青女之飛霜王會畜成雖馬每牛俱賜鈞天樂奏  
督陽儀伯同歌依龍光者一月有奇頌名世者五百  
餘歲車回北闕尚帶香烟信到南邦爭傳士女以歲  
星之舊地增卿月之新輝嘉禾望氣以穰成德水未  
霜而波靜凡此編氓之福皆由仁壽之徵

晉輿服志有追鋒車春秋佐助期武露布文露沈晉天文志大角北三星曰帝席主宴獻酬酢漢陳湯傳西至長安求官得獻食丞晉王沈傳性嗜酒醉經日因號上頓蘇軾詩注有得九曲寶珠穿之不得孔子教以塗脂于線使蟻通之北史楊素傳突厥達頭可汗犯塞素大破之詔賜萬釘寶帶陳書韋載傳載弟翽素有名望

每大事恒令使侍左右時人榮之號曰快御將軍唐嚴維有黃人守日賦按唐時有此瑞淮南子秋三月地氣下藏百虫蟄伏青女乃出以降霜雪逸周書王會解俞人雖馬注曰俞東北夷雖馬萬如馬一角又數楚每牛每牛者牛之小者也注數楚亦比戎也尚書大傳東岳陽伯之樂舞侏儻其歌聲比余謠名曰督陽儀伯之樂舞襲哉其歌聲比大謠名曰南陽而公方且雪髻不知冰襟如故

料量民隱謝絕筦絃高侍中之聰強几杖虛設裴晉

公之風貌海鶴同清當攬揆之時赴巡河之役在元

老以為稱觴事小乘夏篆而四牡仍驅在蒼生以為

愛日心長過冬至而一陽始展北史高允傳允嘗曰吾在中書時有陰德濟人若陽報不差吾壽應享百年矣文明太后遣賜御膳珍羞酒米鹽醢百有餘品及床帳衣服茵被几杖羅列于庭唐裴度傳度狀貌不踰中人而風彩俊爽占對雄辯聽者為之

聳然其等行居子姓身隸帡幪逢申伯之生辰祝魯侯之燕喜未必邳州進酒韓稜隔千里而有醉容且

表文箋正 卷十六 三

喜祝史陳詞范武受徽言而無慚色敬張皇邸聊當

悝鐘義不取諛文皆從實此日金鵝十二橫陳晝錦

之堂他年銀管三千再記杖朝之事左傳襄公二十七年子木問于趙孟曰范武子

之德何如對曰夫子之家事治言于晉國無隱情其祝史陳信于鬼神無愧詞周禮掌次掌王次之法以待張事王大旅上帝則張壇案設皇邸疏邸謂以版為屏風又以鳳皇羽飾之宋史禮志冊命大臣之制拜節度使相官輿中用銀香爐鞞官十二人金鵝帽錦絡縫紫施寬衣

補注天祿識餘有李尤經梳銘黃陶菴吾師錄趙清獻公曰吾畫之所為夜必焚香告天所不可告者則不敢為也

公祝竒麗川中丞五十壽序

代

蓋聞兩戒山河江左是歲星所照百年上壽五旬當受爵之初况開府之邦三吳勝地神明之頌萬口同

聲則凡身受陶鈞耳親提命者其敢不寫畫錦于屏

風奏雲璈于燕寢也哉

唐天文志一行以爲天下山河之象存乎兩戒北戒限或狄南戒限蠻夷

周禮小

宰疏凡受爵之事者謂上公與諸侯酢王之爵王受之

恭惟麗川中丞閣下雲在絳霄

靈鍾丹水年裁弱冠便簪上苑之花官飲秋曹屢擅祥刑之譽內辭郎省外作監司褰帷則劔閣雲開揚旆而桂林風暖江南有福扇仁風者將及十年桴鼓不驚持節鉞者又過三載公之雄才大畧人盡知之

表文箋正

卷十六

十一

公之行事居心伊誰諒之今夫聰明者每失之刻公正者或流于迂警敏者待物少真幹辦者操心多蹙公則容光必照何須察察爲明著手成春不肯沾沾自喜愛惡必形于色使百僚知所從違成見不挂于懷故方寸毫無適莫案牘似秋來之葉風掃皆空吏胥踏水上而行心皆自怯獄無小大必與平章官有賢聲都膺特薦憫東征運糧之卒給賞棉衣坐南衙清德之堂別張賓館劉宏不設從事而澄鑒如神包公洞開重門而關節不到繫詞曰惟深也故能通天

下之志惟幾也故能成天下之務公之謂矣

山海經丹穴之山丹

水出焉。宋史王觀傳知蘇州獲狡吏置于法一郡肅然民歌詠其政有吏行水上人在鏡心之語。晉書劉宏傳宏母有與廢手書守相丁寧款密所以人皆感悅爭赴之咸曰得劉公一紙書賢于十部從事。宋史包拯傳尤奇者拯立朝剛毅聞者皆憚之京師爲之語曰關節不到有閻羅包老

今秋黃河水決高堰堤危公駕一臨而風伯回輪蛟龍避道適有雲南運銅數巨艦沉入波中頃刻金精變成銅壩抵當風浪得下芻芟公乃捐俸以祀馮夷之神撈銅而免滇員之累亦可想見人天協應福德兼隆之明效焉且夫處脂膏而不潤人笑君魚入寶山而空回誰爲王烈字益有例獵較何妨公乃身署鹽官心遊雪嶺秋毫無染半菽自甘凡在旁觀都嫌太過直至淮西事發而牛竒章簿上無名都護昧聞

表文箋正 卷十六

而宋廣平殿前獨對然後知公之高掌遠蹠燭照幾先此豈中才以下所能企及者哉

何氏語林孔君魚爲姑臧長清儉逼下有議之者答

曰奮身處脂膏不能自潤。晉書嵇康傳王烈入山得石髓如飴即自服半餘半與康皆凝而爲石又于石室中見一卷素書道康往取輒不復見烈乃歎曰叔夜趣非常而輒不遇命也。牢盆見陳古漁序。史記項羽本紀士卒食半菽軍無見薄。唐牛僧儒傳韓宏入朝其子公武用財賂權貴武卒帝遣使至悉收貲簿校計出入中朝臣皆在至僧儒獨注其左曰某日送錢千萬不納帝善之宏官淮西諸軍行營都統按奇章是牛里仁非僧儒也誤用。宋瑛碑安西都護趙含章賄事發覺簿上獨無公名公奏明皇曰趙賄偶不及臣門非不受也。西京賦綴以二華巨靈鼎鼉高掌遠蹠。韓愈送石處士序若燭照數計而然而公猶慊慊然不自滿足也大行不加鐫本龜卜也

色書生之印小善必錄藏故人殘稿之詩

謂幕友侯枕漁遺稿交隨圍入

詩 屈八騶而病訣黃堂聞風者皆爲泣下

謂馮太守

孤而時遺白鏹感恩者直到泉臺

公待孫春臺撫軍遺孤最厚

庭誥傳

家義方垂訓都下郎君之薪水俱有章程階前執事  
之紀綱半通文墨求賢若渴布衣皆與平交觀過知  
仁相士都從格外表輕帶緩苛禮全除風語華言拈  
花微笑諸葛君之張廬設竈盡是經綸謝征西之置  
屐裁裙總教得所至于取沐鶴溪邊之箭射必穿楊  
製風輪海外之燈光能奪月拈一韻而風人擱筆餽  
一藥而貞疾恒瘳此又名臣游藝之餘情菩薩神通  
之末節也已

宋顏延之作庭詔文 蜀志諸葛亮傳注亮所至營壘并  
竈圍圍藩離障塞皆因繩墨 晉書謝安傳玄為征西將

軍郟超嘆曰吾嘗與玄共在桓公  
府見其使才雖履屐間亦得其所

今者嶽降台星值趙衰可愛

之冬日籌添海屋折王曾曾賦之梅花

公有和高啓  
梅詩九首

某等

表文箋正

卷十六

二十四

身隸帡幪銜叅鈴閣或遠離千里批牒常煩或近侍  
崇轅光風時接見王丞相而人人意滿對樂彥輔而  
个个神清池中欲舞神魚境內皆生福草分大賢之  
仁壽活全省之蒼生恐傾東海之觴難效麥邱之祝  
敬陳皇邸當作惺鐘義不取諛事皆從實此日立言  
立功立德儘書十二金鵝他年杖鄉杖國杖朝再付

三千銀管

談苑王曾布衣時以梅花詩獻呂蒙正云而今未問和羹事且  
向百花頭上開蒙正云此生已安排狀元宰相也 唐制學士

院深嚴懸鈴索備警 王丞相見蔣文恪公碑 晉書樂廣字彥輔 宋史天

文志雲氣入咸池呈色白為神魚見水經注漢宣帝幸萬歲宮東濟大河而神  
魚舞水 孫氏瑞應圖王者有德則福草生 新序桓公田至于麥邱見麥邱

邑人問之曰年幾何對曰八十有三矣桓公曰子其以子之壽祝寡人麥邱邑  
人曰祝王君無差學無惡下問賢者在

旁諫者得人

金鵝見渤海公壽序

代渤海相公祭尹太保文

嗚呼五緯移宮天上有忽墮之星象四時成歲人間  
無不去之春風矧乃九服英名七旬遐壽禹甸半懸  
其像箕疇全集其身已極哀榮尚何優咤然而葬姬  
公于畢明主沾襟聞子產之喪路人含玦益惜卿雲  
之易散傷冬日之難留故也而况乎位繼蕭規身經

孔鑄者乎

乾鑿度五緯順軌四時和栗 啟臣周公故使近武王之墓

書序公薨成王葬于畢傳曰不

人捐其佩玦也 左傳文公七年鄆舒問于賈季曰趙衰趙盾孰賢對曰趙衰  
冬日之日也趙盾夏日之日也 史記曹相國世家百姓歌之曰蕭何為法艱  
若畫一曹參代之守而勿失載其清淨民以寧一 揚子  
法言蕭也規曹也隨又曰人可鑄歟曰孔子鑄顏回矣 恭惟望山相

公嵩嶽分靈元黃毓粹受風后之金法調阿衡之玉

表文箋正

卷十六

二十五

鉉鉛槩隨身楊子銅車之歲蘭臺簪筆仲華袞服之

年諭越乘輶霜清狴岸髮河導牧波靜龍堂曾西髓

夫剛戎更南馘夫白賊

羣輔錄黃帝七輔風后受金法 易鼎玉  
鉉大吉無不利 南史彭城王義康傳表

淑嘗詣義康問其年荅曰鄧仲華拜表之歲義康曰身不識也 賈誼新書大  
禹曰民無食也則我弗能使也功成而弗利於民我弗能勸也故環河而道之  
九牧鑿江而道之九路繫當作環 楚詞魚鱗屋宇龍堂 宋張暢傳今日之白賊亦不異黃巾赤眉但不江南耳 三貂華重四

扈推移入作臯蘇出膺方召嵩陽毒地郭公駐馬而

風和樂陵苦泉房豹停車而味變民人樂見如月初

生風聲逖聽未春先煖其持節之最久者則在西周

分陝之邦與禹貢揚州之域焉

齊何武傳楮淵曰聖旨每以蟬  
冕不宜過多臣與王儉既已左

珥若復加戰則八座便有三貂 獨斷春扈氏農正趣民耕種夏扈氏農正趣  
民耘條秋扈氏農正趣民收斂冬扈氏農正趣民蓋藏 虞書畢陶汝作士周

書司寇蘇公 若泉見姚景州序 古樂府兩頭織織月初生 南史謝超傳  
超宗詣東府門帝曰此人至使人不衣自煖 禮記注伯上公九命分陝者公  
羊春秋傳曰自陝而東周公  
主之自陝而西召公主之  
是以長安三老慣說音塵揚子

一江幾成湯沐事練則沉幾應智亭毒無心才優則  
閣手仰成吁茶有道淮南草木知張萬福之威名殿  
上車聲識田千秋之恭謹無人調鼎有 詔催公當

其赤烏之將行頗覺蒼生之難別自知衰矣攬轡潛  
然 漢高帝紀舉民年五十以上有修行能率眾為善置以為三老鄉一人  
公羊傳邠者何鄭湯沐之邑也 書子小子垂拱仰成 唐張萬福傳德

宗以萬福為濠州刺史曰朕以為江淮草木亦知卿威名 漢田千秋傳千秋  
年上上優之朝見得乘小車入宮殿中故因號曰車丞相 孟浩然詩未逢調  
鼎用徒有濟川心 詩  
公孫碩膚赤烏凡 然而自公入閣以來五獄無塵方趾

圓顱共慶六祈輟診別風淮雨俱消夔拊龍言雍容  
表文箋正 卷十六 二十六

九陛堯趨禹步扶持七年分貢樹之香同餐法酒扈

長楊之獵尚挽強弓方期恒仰中星豈料離占仄日

威鳳竟翔于寥廓虛舟長往乎夜川 南史陳高祖紀茫茫宇  
宙襟襟黎元方趾圓顱

萬不遺一 周禮春官太祝掌六祈 表異錄文心雕龍  
云尚書大傳有別風淮雨即烈風淫雨 易曰仄之離

皇上南內輟朝武宮去籥錫衰一奠竟勞 帝子之

尊庸器千年永入司勳之籍耳聞者難禁曲踴身受

者應泣重泉 春秋宣公八年有事于太廟仲遂立于垂壬午猶釋萬入  
去籥 周禮典庸器器掌藏樂器庸器注庸功也有功者鑄

器以銘其功也 左傳僖公二十八年魏驂束胸見  
使者曰以君之靈不有寧也距躍三百由踴三百 某故吏情深典

型人遠一門兩代半隸旌麾二水三山常陪文讌身

非王滿得親公旦之徽言才愧士行竟坐劉宏之此

席尊前風月宛若平生鼎底鹽梅又傳衣鉢撫太尉  
親栽之柳當襄陽墮淚之碑托巫咸以招魂折疏麻

而寄奠

李白詩三山半落青天外二水中分白鷺洲 晉陶侃傳劉宏為

當居身處今相觀察必繼老夫矣 見聞錄范質舉進士主司和凝愛其才以

第十三登第謂質曰君文冠多士屈君十三者欲君傳老夫衣鉢 晉陶侃

傳侃嘗課諸營種柳都尉夏施盜官柳植之于已門侃後見駐車曰此是武昌

西門前柳何因盜來此種施惶怖謝罪侃官侍中太尉 晉羊祜傳襄陽百姓

于峴山祜平生游憩之所建碑立廟歲時享祭望其碑者莫不流涕杜預因名

為墮淚碑 離騷巫咸將夕降兮懷椒糈以要之 又招魂篇帝告巫陽曰有

人在下我欲輔之魂魄離散汝筮子之

楚詞折疏麻兮瑤華將以遺兮離居

嗚呼官羈南服難駕素車

白馬而來腸斷西州敢忘斗酒隻雞之誓哀哉尚享

後漢獨行傳范式與汝南張劭為友劭字元伯疾篤歎曰恨不見我死友葬日

柩不肯進其母撫之曰元伯豈有望耶停柩移時乃見有素車白馬號哭而來

其母曰是必范巨卿也式因執紼而引

柩乃前 斗酒隻雞見贖園公子序

袁文箋正

卷十六

二十七

補注

周禮司服王為三公六卿  
錫衰注錫麻之滑易者

故江寧縣知縣前翰林院庶吉士袁君枚傳

澄清堂稿

袁枚字子才號簡齋浙江錢塘人幼有異稟年十二為縣學生二十一在廣西巡撫金鉷署為銅鼓賦援筆立成不加點竄鉷愛其才會開博學宏詞科舉枚應 詔入都以乾隆三年戊午科順天舉人中己未科進士選庶吉士故事翰林習 國書勿預漢文考校掌院史文靖詒直竒其才命擬奏疏一通曰通達政體賈生流也散館以未爛清字改知縣分發江南初試溧水調江浦沭陽再調江寧枚常言為守令者

附錄小傳

一

當嚴東家奴吏役使官民無壅隔則百弊自除其為政終日坐堂皇任吏民白事有小訟獄立判遣無稽留者多設耳目方畧集鄉保詢盜賊及諸惡少姓名出所簿記相質証使不能隱則榜其姓名許三年無犯湔雪之姦民皆斂迹方山谿洞外兩氓爭地無契券訟久莫能斷枚視案山積笑曰此左氏所云晉鄭之間有隙地玉暢頓邱是也訟久則破家吾當為汝了之乃盡去舊案別給符驗使各開墾升科聞者皆歎賞有賈人販布江行舟觸戰船溺死一兵眾兵縛控舟子兼及客枚心知過失殺無罪而累客必傾貲

乃令乘風張帆作觸舟狀縱之去以埋葬錢發兵完  
案侍郎尹會一督學試江寧有兩騎衝其前麾且嫚  
罵稱親王家奴他縣尹不敢問枚立擒治則爲大將  
軍投書制府者也搜其篋得關節書十餘封悉焚之  
重撻遣去十三年江南災銅井民運米至吳門有率  
衆劫之者枚以荒政當弛刑召其魁詢之乃土人過  
糶非劫也諭以情法追米還之上司歎賞枚得政體  
其敏而能斷類此初枚爲溧水知縣其父自廣西來  
慮枚年少不諳吏治乃匿姓名訪諸野有女子告曰  
吾邑表知縣政若神明其父乃大喜入署其後土人

附錄小傳

二

多以枚斷訟事附會爲小說迄枚僑居江寧山無牆  
垣數十年盜賊不忍攘其什物者其得民如此以母  
疾去官起復發陝西以知縣用丁父艱歸遂牒請養  
母卜築於江寧之小倉山號隨園聚書籍爲詩古文  
如是五十年終不復仕是時 國家治安百餘年海  
內物力充裕江左當道政事多暇則開閣延賓枚以  
山人預其游排日燕樂或慕其風流爭致金幣枚又  
崇飾池館高高下下隨山結構褻以五色雲母窓絢  
爛巖谷畜珍禽竒獸張燈聳動游人自皇華使者下  
至淮南賈販多聞名造請交歡者相國某柄政極豪

侈至命工圖繪其園仿而作第當世大僚有馳書甘  
執贄門下者一時名譽傾動四海然枚詠諧跌宕自  
行曾懷未嘗爲勢要牽引年逾耳順猶獨游名山嘗  
至天台雁宕黃山匡廬羅浮桂林南岳瀟湘洞庭武  
夷丹霞四明雪竇皆窮其勝舟車所過攀轅授館疑  
古人復生乃至道釋閨閣之能詩者皆就質焉枚長  
身鶴立廣顙豐下齒如編貝聲若洪鐘生平事母孝  
友于姊弟母年九十四而終迎養寡姊年至九十妻  
亦白髮齊眉一家怡怡如也正家之法井井如也篤  
于故舊嘗爲亡友沈凡民司祭埽卅年如一日程編

附錄小傳

三

修晉芳死負五千金往弔焚其券且撫立其孤尤喜  
汲引後進一時才士多出其門嘗自稱吾之官不擇  
日葬親徙宅不用形家言而未嘗遇患不學仙佞佛  
而年登大耋不丐貸求索而饋詒者四方不絕不講  
學而神解超然又自爲詩云自歎匡時好才調被天  
強派作詩人非虛語也昔晉劉惔謂王濛性至通而  
自然有節嵇康稱阮裕傲然忘賢而賢與度遇忽然  
任心而心與善游枚其有焉枚旣山居年又最高歷  
四朝乃取康熙至乾隆間所識名臣事狀諮諏其  
子孫僚友各編次爲碑傳傳聞或有譌舛然其逸事

足以裨益正史自言爲詩專寫性情不得已而逢典故不分門戶乃無心而合唐音又言詩人家數甚多須知王孟清幽豈可施諸邊塞杜韓排冑未便播之管絃沈宋莊重到山林則俗盧仝險怪登廟堂則野韋柳雋逸不宜長篇蘇黃瘦硬短于情韻悻惻芬芳非溫李不可屬詞比事非元白不能范蔚宗言人識同體之善而忘異量之美此大病也故其所爲詩文天才橫逸不可方物尤長駢體抑揚跌宕得六朝體格撰小倉山房詩文集七十卷詩話尺牘說部之屬若干卷以嘉慶二年十一月十七日卒年八十有二

附錄小傳

四

先是枚自葬其親于所居隨園之西百餘步又營生壙以祔之旁則環葬奴婢工匠及鄰人之無後者纍纍數十冢自言吾死不寂寞矣嘗有術者推枚六十二而得子七十六而下世及得子如術者言至七十六以爲當死擬陶潛作自挽詩及其年歲除又作告存詩其曠達之致如此二子曰通曰遲通以弟子爲

嗣

舊史氏曰先生有吏才通達政體而議論務出于宏厚雖不竟其用亦一代循吏也惜退而以文自見然其成就有足觀焉吾聞句金之間號爲福地世有異

人其身名俱泰與陶宏景代興者矣

附錄小傳

五

